



和10
1687
6



18

田舎

田舎

詩宗辰集卷九

古詩 七言一百六十二首

皇娥歌

皇娥



少昊母曰皇娥處璇宮而夜織或乘桴木而
晝遊歷經窮桑滄茫之浦時有神童稱白帝
之子即太白之精降木際與皇娥燕戲並坐
撫桐峯梓瑟皇娥倚瑟而歌白帝子答歌

天清地曠浩茫茫萬象迴薄化無方
滄乘桴輕漾著日傍當期何所至窮桑
心知和樂悅
未央

答歌

白帝子

四維八埏眇難極驅光逐影窮水域璇宮夜靜當軒
織桐峯文梓千尋直伐梓作器成琴瑟清歌流暢樂
難極滄溟海浦來棲息

雉朝飛操

牧犢子

齊處士泯宣七十無妻出薪見雉雄雌相隨
心悲乃作操

雉朝飛兮鳴相和雌雄羣遊於山阿我獨何命兮未
有家時將莫兮可奈何嗟嗟莫兮可奈何

水仙操

伯牙

伯牙學琴於成連三年而成至於精神寂莫
情之專一未能得也成連曰吾之學不能移
人之情吾師有方子春在東海中乃至蓬萊
山曰吾將迎吾師刺船而去旬時不返伯牙
心悲延頸四望但聞海水汨沒山林宵冥羣
鳥悲號仰天歎曰先生將移我情援琴作歌
繫洞擘兮流澌渡舟楫逝兮仙不還移形素兮蓬萊
山歎欽傷宮仙石還

飯牛歌

甯戚

甯戚欲干齊桓公無以自達為商旅將任車

桓公郊迎客辟任車戚飯牛車下擊牛角歌
公聞之曰異哉非常人命後車載授以政

南山斫白石爛生不逢堯與舜禪短布單衣適至胥
從昏飯牛薄夜半長夜漫漫何時旦

滄浪之水白石粲中有鯉魚長尺半敝布單衣裁至
胥清朝飯牛至夜半黃犢上坂且休息吾將捨汝相

齊國

出東門兮厲石斑上有松柏青且闌麤布衣兮縵縷
時不遇兮堯舜主牛兮努力食細草大臣在爾側吾
當與爾適楚國

臨河歎

孔子

孔子適趙臨河不濟嘆而作歌

秋水行兮風揚波舟楫顛倒夏相加歸來歸來胡為
斯

楚聘歌○一作大道歌

大道隱兮禮為基賢人竄兮將待時天下如一兮欲
何之

獲麟歌

叔孫氏之車子鉏商樵於野而獲麟焉眾莫
之識以為不祥夫子往觀焉泣曰麟也麟出

而死吾道窮矣乃歌曰

唐虞世兮麟鳳遊今非其時來何求麟兮麟兮我心

憂

河激歌

女娟

女娟趙河津吏女也簡子擊楚津吏醉臥簡

子欲殺之娟走前曰願易父死遂不誅娟攘

拳操楫為簡子發歌簡子歸納為夫人

升彼河兮而觀清水揚波兮冒冥冥禱求福兮醉不

醒誅將加兮妾心驚罰既釋兮瀆乃清妾持楫兮操

其維蛟龍助兮主將歸呼來權兮行勿疑

獻玉退怨歌

卞和

卞和楚野民得玉璞以獻懷王王使樂正子

占之以為石謂欺謾斬一足王死子平王立

和復獻之又斬一足平王死子荆王立欲獻

之恐復見害抱玉而哭淚盡繼以血荆王使

剖之中果有玉乃封陵陽侯舜不受作歌

悠悠沂水經荆山精氣鬱洽谷巖巖中有神寶灼明

圖穴山采玉難為功於何獻之楚先王遇王暗昧信

讒言斷絕兩足離余身俛仰嗟歎心摧傷紫之亂朱

粉墨同空山獻歎涕龍鍾天鑑孔昭竟以彰沂水洿

沛流于汶進寶得刑足離分斷者不續豈不怨

采葛歌

采葛婦

越王嘗膽知吳王好服采葛作布以獻采婦

傷越王乃作

葛不連蔓菜台台我君心苦命更之嘗膽不苦甘如
飴令我采葛以作絲女工織兮不敢遲弱於羅兮輕
罪罪號絺素兮將獻之越王悅兮忘罪除吳王歡兮
飛尺書增封益地賜羽奇几杖茵蓐諸侯儀羣臣拜
舞天顏舒我王何憂能不移

巴謠歌

失名氏

始皇三十一年茅盈高祖濛於華山中乘雲
駕鶴白日昇天先是有謠云云始皇問之曰
僊人之謠勸帝長生乃有尋仙志改臘嘉平
神僊得者茅初成駕龍上昇入太清時下玄洲戲赤
城繼世而往在我盈帝若學之臘嘉平

坂下歌 ○一云拔操

項羽

力拔山兮氣蓋世時不利兮騅不逝騅不逝兮可奈
何虞兮虞兮奈若何

大風歌

高皇帝

大風起兮雲飛揚威加海內兮歸故鄉安得猛士兮

漢

守四方

薤露歌

田橫門人

此挽貴者稍溫和

薤上露何易晞露晞明朝更復落人死一去何時歸

蒿里曲

此挽賤者甚嚴急

蒿里誰家地聚斂蒐魄無賢愚鬼伯一何相催促人命不得少踟躕

秋風辭

武帝

帝行河東祠后土顧視帝京忻然中流帝歡

甚作此

秋風起兮白雲飛草木黃落兮鴈南歸蘭有秀兮菊有芳懷佳人兮不能忘汎樓船兮濟汾河橫中流兮揚素波簫鼓鳴兮發權歌歡樂極兮哀情多少壯幾時兮奈老何

柏梁臺詩

元封三年作柏梁臺詔羣臣二千石有能為七言詩乃得上坐

日月星辰和四時帝武驂駕駟馬從梁來梁孝王武郡國士馬羽林材大司馬總領天下誠難治丞相和撫四夷不

易哉衛大將軍 刀筆之吏臣執之夫御史大 撞鐘伐鼓聲

中詩建太常周 宗室廣大日益茲安宗正劉 周衛交戟禁

不時衛尉路 總領從宗柏梁臺徐光祿勳 平理清讞沒

嫌疑杜廷尉 修飾輿馬待駕來孫太僕公 郡國吏功差次

之大湯廬 乘輿御物主治之溫少府王 陳粟萬石揚以

箕大司農 微道宮下隨討治中執金豹 三輔盜賊天下

危左馮翊 盜阻南山為民災李石扶風 外家公主不可

治京兆 椒房率夏領其材陳唐事 蠻夷朝賀常舍其屬典

國柱枅榑欂相枝持 枇杷橘栗桃李梅令大官 走狗

逐兔張罟罟上林 鬻妃女脣甘如飴郭舍 白窘詰屈

幾窳哉東方朔

天馬歌

失名氏

太乙况今天馬下露赤汗兮沫流赭志倣儻兮精權

奇籟浮雲兮掩上馳體容與兮進萬里今安匹兮龍

為友

別歌

李陵

蘇武還漢陵置酒賀武因起舞而歌泣下數

行遂沒

經萬里兮度沙漠為君將兮奮匈奴路窮絕兮矢刃

摧士眾滅兮名已墮老母已死雖欲報恩將安歸

琴歌

司馬相如

相如聞文君新寡好音弄琴挑之文君竊窺
心悅夜亡奔

鳳兮鳳兮歸故鄉遨遊四海求其皇時未遇兮無所
將何悟今夕升斯堂有豔淑女在閨房室邇人遐毒
我腸何緣交頸為鴛鴦胡頡頏兮共翱翔
鳳兮鳳兮從我棲得托孳尾永為妃交情通體心和
諧中夜相從知者誰雙翼俱起翻高飛無感我患使
余悲

悲愁歌

烏孫公主

武帝時以江都王建女細君為公主以妻烏
孫王昆莫公主至其國自治宮室居一載與
昆莫會置酒飲食昆莫年老言語不通公主
心悲作歌

吾家嫁我兮天一方遠託異國兮烏孫王穹廬為室
兮氈為牆以肉為食兮酪為漿居常土思兮心內傷
願為黃鵠兮歸故鄉

黃鵠歌

昭帝

時黃鵠下太液池帝作歌云云

黃鵠飛兮下建章羽肅肅兮行踰踰金為衣兮菊為

裳嘒嘒荷荷出入蒹葭自顧菲薄媿爾嘉祥

淋池歌

帝遊淋池作

秋素景兮泛洪波揮纖手兮折芰荷涼風淒淒揚棹
歌雲光開曙月低河萬歲為樂豈云多

雞鳴歌

失名氏

漢有雞鳴衛士主雞鳴宮外習儀宮中輿臺
並不得畜雞晝漏盡夜漏起中黃門持五夜
甲乙丙丁戊夜次傳畢未明三刻雞鳴衛士
起唱○按項羽垓下夜聞漢軍楚歌楚歌者

雞鳴歌也後漢時衛士唱此曲於闕下然則
此歌蓋漢歌詩紀載隋集

東方欲明星爛爛汝南晨雞登壇喚曲終漏盡嚴具
陳月沒星稀天下旦千門萬戶遮魚鑰宮中城上飛
烏鵲

歸風送遠操

趙飛燕

涼風起兮天隕霜懷君子兮渺難望感予心兮多慨
慷

忠玄詩

張衡

天長地久歲不留埃河之清祇懷憂願得遠度以自

娛上下無常窮六區超踰騰躍絕世俗飄飄神舉遲
所欲天不可階仙夫稀柏舟悄悄吝不飛松喬高時
孰能離結情遠游使心携迴志竭來從玄謀獲我所
求夫何思

四愁詩

我所思兮在泰山欲往從之梁父艱側身東望涕霑
翰美人贈我金錯刀何以報之英瓊瑤路遠莫致倚
逍遙何為懷憂心煩勞

我所思兮在桂林欲往從之湘水深側身南望涕霑
襟美人贈我金琅玕何以報之雙玉盤路遠莫致倚
惆悵何為懷憂心煩傷

我所思兮在漢陽欲往從之隴坂長側身西望涕霑
裳美人贈我貂檐榆何以報之明月珠路遠莫致倚
踟躕何為懷憂心煩紆

我所思兮在鴈門欲往從之雪雰雰側身北望涕霑
巾美人贈我錦繡段何以報之青玉案路遠莫致倚
增歎何為懷憂心煩惋

小麥謠

失名氏

桓帝時發兵擊反羌民不得安業作此

小麥青青大麥枯誰當穫者婦與姑丈夫何在西擊

胡吏買馬君具車請為諸君鼓隳胡

招商歌

靈帝

帝游西園泛舟作

涼風起兮日照渠青荷畫偃葉夜舒惟日不足樂有
餘清絲流管歌玉鳧千年萬歲嘉難踰

琴歌

蔡邕

練余心兮浸太清滌穢濁兮存正靈和液暢兮神氣
寧情志泊兮心亭亭嗜欲息兮無由生踔宇宙而遺
俗兮眇翩翩而獨征

悲憤詩

蔡琰

嗟薄祐兮遭世患宗族殄兮門戶單身執略兮入西
關歷險阻兮之羌蠻山谷眇眇兮路漫漫眷西顧兮
但悲歎冥當寢兮不能安饑當食兮不能餐常流涕
兮皆不乾薄志節兮念死難雖苟活兮無形顏唯被
方兮遠陽精陰氣凝兮雪夏零沙漠壅兮塵冥冥有
草木兮春不榮人似禽兮食臭腥言兜離兮狀窈停
歲聿暮兮時邁征夜悠長兮禁門扃不能寐兮起屏
營登胡殿兮臨廣庭玄雲合兮翳月星北風厲兮肅
泠泠胡笳動兮邊馬鳴孤鴈歸兮聲嚶嚶樂人興兮
彈琴箏音相和兮悲且清心吐忠兮胃憤盈欲舒氣

今恐彼驚含哀咽今涕沾頸家既迎今當歸寧臨長
路今捐所生兒呼母今啼失聲我掩耳今不忍聽追
持我今走筦筦頓復起今毀顏形還顧之今破人情
心恆絕兮死復生

胡笳十八拍

我生之初尚無爲我生之後漢祚衰天不仁兮降亂
離地不仁兮使我逢此時干戈日尋兮道路危民卒
流亾兮共哀悲烟塵蔽野兮胡虜盛志意乖兮節義
虧對殊俗兮非我宜遭惡辱兮當告誰笳一會兮琴
一拍心憤怨兮無人知

戎羯逼我兮爲室家將我行兮向天涯雲山萬重兮
歸路遐疾風千里兮揚塵沙人多暴猛兮如虺蛇控
弦被甲兮爲嬌奢兩拍將弦兮弦欲絕志摧心折兮
自悲嗟

越漢國兮入胡城亾家失身兮不如無生旣表爲裳
兮骨肉震驚羯羶爲味兮枉過我情鞞鼓喧兮從夜
達明胡風浩浩兮暗塞營傷今感昔兮三拍成銜悲
蓄恨兮何時乎

無日無夜兮不思我鄉土稟氣含生兮莫過我最苦
天災國難兮人無主惟我薄命兮沒戎虜殊俗心異

兮身難處嗜欲不同兮誰可與語尋思涉歷兮多難
阻四拍成兮益悽楚

鴈南征兮欲寄邊聲鴈北歸兮為得漢音鴈飛高兮
邈難尋空斷腸兮思悵悵攢眉向月兮撫雅琴五拍
泠泠兮意彌淡

冰霜凜兮身苦寒飢對肉酪兮不能餐夜間隴水兮
聲嗚咽朝見長城兮路杳漫追思往日兮行李難六
拍悲來兮欲罷彈

日暮風悲兮邊聲四起不知愁心兮說向誰是原野
蕭條兮烽戍萬里俗賤老弱兮少壯為美逐有水草
兮安家葺壘牛羊滿野兮聚如蜂蟻草盡水竭兮羊
馬皆徙七拍流恨兮惡居於此

為天有眼兮何不見我獨漂流為神有靈兮何事處
我天南海北頭我不負天兮天何配我殊匹我不負
神兮神何殛我越荒州製茲八拍兮擬俳優何知曲
成兮心轉愁

天無涯兮海無邊我心愁兮亦復然生倏忽兮如白
駒之過隙然不得歡樂兮當我之盛年怨兮欲問天
天蒼蒼兮上無緣舉頭仰望兮空雲煙九拍懷情兮
誰與傳

城南烽火不曾滅疆場征戰何時歇殺氣朝朝衝塞
門胡風夜夜吹邊月故鄉隔兮音塵絕哭無聲兮氣
將咽一生辛苦兮緣離別十拍悲淡兮淚成血
我非貪生而惡死不能捐身兮心有以生仍冀得兮
歸桑梓死當埋骨兮長已矣日居月諸兮在戎壘胡
人寵我兮有二子鞠之育之兮不羞恥閔之念之兮
生長邊鄙十有一拍兮因茲起哀響纏綿兮徹心髓
東風應律兮暖氣多知是漢家天子兮布陽和羌胡
蹈舞兮共謳歌兩國交歡兮罷兵戈忽遇漢使兮稱
近詔遣千金兮贖妾身喜得生還兮逢聖君嗟別稚

子兮會無因十有二拍兮哀樂均去住兩情兮誰具
陳

不謂殘生兮却得旋歸撫抱胡兒兮泣下沾衣漢使
迎我兮四牡駢駢號失聲兮誰得知與我生死兮逢
此時愁爲子兮日無光輝焉得羽翼兮將汝歸一步
一遠兮足難移魂消影絕兮忠愛遺十有三拍兮絃
急調悲肝腸攪刺兮人莫我知

身歸國兮兒莫之隨心懸懸兮長如飢四時萬物兮
有盛衰唯我愁苦兮不斲移山高海闊兮見汝無期
夏深夜闌兮夢汝來斯夢中執手兮一喜一悲覺後

言集 一
痛吾心兮無休歇時十有四拍兮涕淚交垂河水東
流兮心是思

十五拍兮節調促氣填胃兮誰識曲處穹廬兮偶殊
俗願得歸來兮天從欲再還漢國兮歡心足心有懷
兮愁轉淡日月無私兮曾不照臨子母分離兮意難
任同天隔越兮如商參生虎不相知兮何處尋
十六拍兮思茫茫我與兒兮各一方日東月西兮徒
相望不得相隨兮空斷腸對萱草兮憂不忘彈鳴琴
兮情何傷兮別子兮歸故鄉舊怨平兮新怨長泣血
仰頭兮訴蒼蒼胡為生我兮獨罹此殃

十七拍兮心鼻酸關山阻脩兮行路難去時懷土兮
心無緒來時別兒兮思漫漫塞上黃蒿兮枝枯葉乾
沙場白骨兮刀痕箭瘢風霜凜凜兮春夏寒人馬飢
瘵兮筋力單豈知重得兮入長安歎息欲絕兮淚闌
干

胡笳本自出胡中緣琴翻出音律同十八拍兮曲雖
終響有餘兮思無窮是知絲竹微妙兮均造化之功
哀樂各隨人心兮有變則通胡與漢兮異域殊風天
與地隔兮子西母東苦我怨氣兮浩於長空六合雖
廣兮受之應不容

不能眠披衣出戶步東西悲風清厲秋氣寒羅幃徐
動經秦軒仰戴星月觀雲間飛鳥晨鳴聲可憐留連
願懷不自存

飲馬長城窟行

陳琳

飲馬長城窟水寒傷馬骨往謂長城吏慎莫稽留太
原卒官作自有程舉築諸汝聲男兒寧當格鬪死何
能拂鬱築長城長城何連連連連三千里邊城多健
少內舍多寡婦作書與內舍使嫁莫留住善待新姑
嫜時時念我故夫子報書往邊地君今出語一何鄙
身在既難中何為稽留他家子生男慎莫舉生女哺

用脯君獨不見長城下死人骸骨相撐拄結髮行事
君慊慊心意關明知邊地苦賤妾何能久自全

車遙遙

傅玄

車遙遙兮馬洋洋追思君兮不可忘君安遊兮西入
秦願為影兮隨君身君在陰兮影不見君依光兮妾
所願

詠雪

謝道韞

謝安與兄子胡兒兄女道韞賡韻

白雪紛紛何所似謝公撒鹽空中差可擬胡兒未若柳絮

因風起

謝道韞

休洗紅

失名氏

休洗紅洗多紅色淺不惜故縫衣記得初按茜人壽
百年能幾何後來新嬪今為婆

休洗紅洗多紅在水新紅裁作衣舊紅番作裏回黃
轉綠無定期世事追復君所知

白紵舞歌

失名氏

輕軀徐起何洋洋高舉兩手白鵠翔宛若龍轉乍低
昂凝停善睐容儀光如推若引留且行隨世而變誠
無方舞以盡神安可忘晉世方昌樂未央質如輕雲
色如銀愛之遺誰贈佳人制以為袍餘作巾袍以光

軀巾拂塵麗服在御會佳賓醪醴盈樽美且醇清歌
徐舞降祇神四座歡樂胡可陳

陽春白日風花香趨步明玉舞瑤璫聲發金石媚笙
簧羅桂徐轉紅袖揚清歌流響繞鳳梁如矜若思凝
且翔轉眄遺精豔輝光將流將引雙鴈行歡來何晚
意何長明君御世永歌昌

木蘭辭

失名氏

諸家選及樂府俱為不知名獨文苑英華作
韋元甫詩而唐詩品彙仍載恐非嚴滄浪云
句語似太白非漢魏人作胡應麟云此歌世

謂齊梁作然中古質有逼漢魏處非二代所
及晉明世柔然社崙始稱可汗此歌出晉人
無疑世之疑此率指可汗二字不知得此證
左益一悞也云云故直系齊梁之上

唧唧復唧唧木蘭當戶織不聞機杼聲惟聞女嘆息
問女何所患問女何所憶女亦無所患女亦無所憶
昨夜見軍帖可汗大點兵軍書十二卷卷卷有爺名
阿爺無大兒木蘭無長兄願為市鞍馬從此替爺征
東市買駿馬西市買鞅韉南市買轡頭北市買長鞭
朝辭爺孃去暮宿黃河邊不聞爺孃喚女聲但聞黃

河流水鳴濺濺已辨黃河去暮至黑山頭不聞爺孃
喚女聲但聞燕山胡騎聲啾啾萬里赴戎機關山度
若飛朔氣傳金柝寒光照鎧衣將軍百戰死壯士十
年歸歸來見天子天子坐明堂策勳十二轉賞賜百
千強可汗問所欲木蘭不用尚書郎願借明駝千里
足送兒還故鄉爺孃聞女來出郭相扶將阿妹聞姊
來當戶理紅妝小弟聞姊來磨刀霍霍向豬羊開我
東閣門坐我西間牀脫我戰時袍著我舊時裳當窻
理雲鬢對鏡帖花黃出門看火伴火伴始驚惶同行
十二年不知木蘭是女郎雄兔脚撲朔雌兔眼迷離

兩兔傍地走安能辨我是雄雌

宋

代白紵曲

謝靈運

朱脣動素腕舉洛陽少童邯鄲女古稱淶水今白紵
催絃急管爲君舞窮秋九月荷葉黃北風驅鴈天雨
霜夜長酒多樂未央

春風澹蕩俠思多天色淨淥氣妍和含桃紅萼蘭紫
芽朝日灼爍發園華卷幌結帷羅玉筵齊謳秦吹盧
女絃千金願笑買芳年

行路難

鮑照

奉君金卮之美酒瑇瑁玉匣之雕琴七綵芙蓉之羽

帳九華葡萄之錦衾紅顏零落歲將暮寒光宛轉時
發沈願君裁悲且緘思聽我抵節行路吟不見柏梁
銅雀上寧聞古時清吹音

洛陽名工鑄爲金博山千斷復萬縷上刻秦女携手
仙承君清夜之歡娛列置幃裏明燭前外發龍鱗之
丹綵內含麝芬之紫烟如今君心一朝異對此長歎
終百年

瀉水置平地各自東西南北流人生亦有命安能行
歎復坐愁酌酒以自寬舉杯斷絕歌路難心非木石
豈無感吞聲躑躅不敢言

言宗
愁患忽而至跨馬出北門舉頭四顧望但見松柏園
荆棘鬱蹲蹲中有一鳥名杜鵑言是古時蜀帝魂聲
音哀苦鳴不息羽毛憔悴似人髡飛走樹間啄蟲蟻
豈憶往日天子尊念此死生變化非常理中心惻愴
不能言

中庭五株桃一株先作花陽春妖冶二三月從風散
蕩落西家西家思婦見悲惋零淚霑衣撫心歎初送
我君出戶時何言淹留節迴換牀席生塵黴鏡垢纖
腰瘦削髮蓬亂人生不得恆稱意惆悵徒倚至夜半
劉藥染黃絲黃絲歷亂不可治我昔與君始相值爾

時自謂可君意結帶與君言死生好惡不相置今日
見我顏色衰意中索寞與先異還君金釵玳瑁簪不
忍見之益愁思

春禽啾啾日暮鳴最傷君子憂思情我初辭家從軍
僑榮志溢氣干雲霄流浪漸冉經三齡忽有白髮素
髭生今暮臨禾拔已盡明日對鏡復已盈但恐羈死
爲鬼客客思寄滅生空精每懷舊鄉野念我舊人多
悲聲忽見過客問何我寧知我家在南城答云我曾
居君鄉知君游宦在此城我行離邑已萬里今方羈
役去遠征來時聞君嬾閨中孀居獨宿有貞名亦云

悲朝泣閒房又聞暮思淚沾裳形容憔悴非昔悅蓬
鬢衰顏不復妝見此令人有餘悲當願君懷不慙忘

白苧歌

湯惠休

少年窈窕舞君前容華豔豔將欲然為君嬌凝復遷
延流目送笑不敢言長袖拂面心自煎願君流光及
盛年

東飛伯勞歌

武帝

東飛伯勞西飛燕黃姑織女時相見誰家兒女對門
居開顏發豔照里閭南窓北牖桂月光羅帷綺帳脂
粉香女兒年幾十五六窈窕無雙顏如玉三春已暮

花從風空留可憐誰與同

河中之水歌

河中之水向東流洛陽女兒名莫愁莫愁十三能織
綺十四採桑南陌頭十五嫁為盧家婦十六生兒字
阿侯盧家蘭室桂為梁中有鬱金蘇合香頭上金釵
十二行足下絲履五文章珊瑚挂鏡爛生光平頭奴
子擎履箱人生富貴何所望恨不早嫁東家王

擬古

昭明太子

窺紅對鏡斂雙眉含愁拭淚坐相思念人一去許多
時眼語笑靨近來情心懷心想甚分明憶人不忍語

言完
八
含恨獨吞聲

行路難

吳均

洞庭木上一株桐經霜觸浪困嚴風昔時抽心耀白日今日臥虎黃沙中洛陽名工見咨嗟一剪一刻作琵琶白壁規心學明月珊瑚映面作風花帝王見賞不見忘提携把握登建章掩抑摧藏張女彈殷勤促柱楚明光年年月月對君子遙遙夜夜宿未央未央綵女棄鳴篴爭先拂拭生光儀茱萸錦衣玉作匣安念昔日枯樹枝不學衡山南嶺桂至今千載猶未知君不見西陵田縱橫十字成陌阡君不見東郊道荒

涼蕪沒起寒烟盡是昔日帝王處歌姬舞女達天曙今日翩妍少年子不知華盛落前去吐心吐氣許他人今日迴惑生猶豫山中桂樹自有枝心中方寸自相知何言歲月忽若馳君之情意與我離還君玳瑁金爵釵不忍見此使心危

行路難

王筠

千門皆閉意何央百憂俱集斷人腸揆揣箱中取刀尺拂拭機上斷流黃情人逐情雖可恨復與邊遠之衣裳已縲一繭催衣縷復擣百和薰衣香猶憶去時腰大小不知今日身短長柳檔雙心共一株柏複兩

邊作八撮襟帶雖安不忍縫開孔穿裁猶未達曾前
却月兩相連本照君心不照天願君分明得此意勿
復流蕩不如先含悲含怨判不死封情忍患待明年

烏棲曲

簡文帝

芙蓉作船絲作紉北斗橫天月將落採蓮渡頭擬黃
河郎今欲渡畏風波
織成屏風金屈膝朱脣玉面燈前出相看氣息望君
憐誰能含羞不自前

捉搦歌

佚名氏

華陰山頭百丈井下有流水徹骨冷可憐女子能顧

影不見其餘見斜領

黃桑柘屐蒲子履中央有絲兩頭繫小時憐母大憐
婿何不早嫁論家計

後庭花曲

後主

後主荒淫無度君臣酣飲自夜達旦自製此
歌

麗宇芳林對高閣新粧豔質本傾城映戶凝嬌乍不
進出帷含態笑相迎妖姬臉似花含露玉樹流光照
後庭

閨怨篇

江惣

寂寂青樓大道邊紛紛白雪綺窓前池上鴛鴦不獨
自帳中蘇合還空然屏風有意障明月燈火無情照
獨眠遼西水凍春應少剡北鴻來路幾千願君關山
及早度念妾桃李片時妍

蜘蛛作絲滿帳中芳草結葉當行路紅臉脈脈一生
啼黃鳥飛飛有時度故人雖故昔經新新人雖新復
應故

烏棲曲

桃花流水木蘭橈銀鞍翠蓋聚河橋隴西上計應行
去城南美人啼著曙

俠客控豔影

陽 縉

青門小苑物華新花開鳥弄會芳春仙掌層臺浮麗
日長楸廣路起紅塵園中追尋桃李徑陌上逢迎遊
俠人遊俠英名馳上國人馬意氣俱相得白玉鹿盧
秋水劒青絲宛轉黃金勒復有魚目竝龍文躡影追
風本絕羣影入吳門疑曳練形來西北似浮雲寄語
幽并馳射客未肯推門持借君

楊白花

胡太后

楊華本名白花容貌雄偉魏胡太后逼通之
華懼及禍乃降梁后追思不已為作楊白花

北魏

歌使宮人連臂蹋足歌之聲甚悽惋

陽春二三月楊柳齊作花春風一夜入閨闈楊花飄蕩落南家含情出戶脚無力拾得楊花淚沾臆秋去春還雙燕子願銜楊花入窠裏

白紵歌

煬帝

黃梅雨細麥秋輕楓樹蕭蕭江水平飛樓綺觀軒若鶯花簾羅幃當夜清菱潭落日雙鳧舫綠水紅粧兩搖樣還似扶桑碧海上誰肯空歌採蓮唱

陽春歌

柳詵

春島一轉有千聲春花一藜千種名旅人無語坐檐

楹忠鄉懷土志難平惟當文共酒暫與興相迎

從軍行

王宏

兒生三日掌上珠燕領猿肱穠李膚十五學劍北擊胡羌歌燕筑送城隅城隅路接伊川驛河陽渡頭邯鄲陌可憐少年把手時黃鳥雙飛梨花白秦王築城三千里西自臨洮東遼水山邊墨墨黑雲飛海畔莓莓青草死從來戰鬪不求勳殺身為君君不聞鳳凰樓上吹急管落日徘徊腸先斷

秋夜長

王勃

秋夜長殊未央月朗白露澄清光層城綺閣遙相望

川無梁北風受節南鴈翔崇蘭委質時菊芳鳴環曳
履出長廊爲君秋夜搗衣裳織羅對鳳凰丹綺雙鴛
鴦調礎亂杵思自傷征夫萬里戍他鄉鶴關音信斷
龍門道路長君在天一方寒衣徒自香

採蓮曲

採蓮歸綠水芙蓉衣秋風起浪鳧鴈飛桂棹蘭橈下
長浦羅裙玉腕輕搖櫓葉嶼花潭極望平江謳越吹
相思苦相思苦佳期不可駐塞外征夫猶未還江南
採蓮今已暮今已暮採蓮花渠今那必盡娼家官道
城南把菜葉何如江上採蓮花蓮花復蓮葉花葉何

稠疊葉翠本羞眉花紅強如頰佳人不在茲悵望別
離時牽花憐共蒂折藕愛連絲故情無處訴新物徒
華滋不惜西津交珮解還羞北海鴈書遲採蓮歌有
節採蓮夜未歇正逢浩蕩江上風又值徘徊江上月
徘徊蓮浦夜相逢吳姬越女何丰茸共問寒江千里
外征客關山路幾重

臨高臺

臨高臺臨高臺迢遞絕浮埃瑤軒綺構何崔嵬鸞歌
鳳吹清且哀俯瞰長安道萋萋御溝草斜對甘泉路
蒼蒼茂陵樹高臺四望同佳氣鬱蔥蔥紫閣丹樓紛

照耀璧房錦殿相玲瓏東迷長樂觀西指未央宮赤
城映朝日綠樹搖春風旗亭百隊開新市甲第千營
分戚里朱輪翠蓋不勝春疊榭層楹相對起復有青
樓大道中綉戶紋窓雕綺櫳錦衣畫不襲羅帷夕未
空歌屏朝掩翠妝鏡晚窺紅爲君安寶髻蛾眉罷花
叢狹路塵間暗將暮雲間月色明如素鴛鴦池上兩
兩飛鳳凰樓下雙雙度物色正如此佳期那不願銀
鞍繡轂盛繁華可憐今夜宿娼家娼家少婦不須鬢
東園桃李片時春君看舊日高臺處柏梁銅雀生黃
塵

滕王閣

滕王高閣臨江渚佩玉鳴鑾罷歌舞畫棟朝飛南浦
雲珠簾暮捲西山雨閒雲潭影日悠悠物換星移度
幾秋閣中帝子今何在檻外長江空自流

長安古意

盧照鄰

長安大道連狹斜青牛白馬七香車玉輦縱橫過主
第金鞭絡繹向侯家龍含寶蓋承朝日鳳吐流蘇帶
晚霞百丈遊絲爭繞樹一羣嬌鳥共啼花啼花戲蝶
千門側碧樹銀臺萬種色複道交牕作合歡雙闕連
甍垂鳳翼梁家畫閣天中起漢帝金莖雲外直樓前

相望不相知陌上相逢詎相識借問吹簫向紫煙曾
經學舞度芳年得成比目何辭虎願作鴛鴦不羨仙
比日鴛鴦真可羨雙去雙來君不見生憎帳額繡孤
鸞好取開簾帖雙燕雙燕雙飛繞畫梁羅幃翠被鬱
金香片片行雲著蟬鬢纖纖初月上鴉黃鴉黃粉白
車中出含嬌含態情非一妖童寶馬鐵連錢娼妓盤
龍金屈膝御史府中烏夜啼廷尉門前雀欲栖隱隱
朱城臨玉道遙遙翠幃沒金堤挾彈飛鷹杜陵北揆
丸借客渭橋西俱邀俠客芙蓉劍共宿娼家桃李蹊
娼家日暮紫羅裙清歌一轉口氤氳北堂夜夜人如

月南陌朝朝騎似雲南陌北堂連北里五劇三條控
三市弱柳青槐拂地垂佳氣紅塵暗天起漢代金吾
千騎來翡翠屠蘇鸚鵡杯羅襦寶帶爲君解燕歌趙
舞爲君開別有豪華稱將相轉日回天不相讓意氣
由來排灌夫專權判不容蕭相專權意氣本豪雄青
虬紫燕坐生風自言歌舞長千載自謂驕奢凌五公
節物風光不相待桑田碧海須臾改昔時金塔白玉
堂卽今惟見青松在寂寂寥寥揚子居年年歲歲一
牀書獨有南山桂花發飛來飛去襲人裾

行路難

駱賓王

君不見玉關塵色暗邊庭銅鞮雜虜寇長城天子按
劍徵餘勇將軍受脤事橫行七德龍韜開玉帳千里
鼉鼓動金鉦陰山苦霧埋高壘交河孤月照連營連
營去去無窮極擁旆遙遙過絕國陣雲朝結晦天山
寒沙夕漲迷疎勒龍鱗水上開魚貫馬首山前振鳥
翼長驅萬里警祈連分麾三令武功宣百發烏號遙
碎柳七尺龍文迴照蓮春來秋去移灰琯蘭閨柳市
芳塵斷鴈門迢遞尺書稀鴛被相思雙帶緩行路難
誓令氛祲靜臯蘭但使封侯龍額貴詎隨中婦鳳樓
寒

公子行

劉庭芝

天津橋下陽春水天津橋上繁華子馬聲迴合青雲
外人影搖動綠波裏綠波清迴玉爲砂青雲離披錦
作霞可憐楊柳傷心樹可憐桃李斷腸花此日遨遊
邀美女此時歌舞入娼家娼家美女鬱金香飛去飛
來公子傷的的朱簾白日暎娥娥玉顏紅粉妝花際
徘徊雙蛺蝶池邊顧步兩鴛鴦傾國傾城漢武帝爲
雲爲雨楚襄王古來容光人所羨况復今日遙相見
願作輕羅著細腰願爲明鏡分嬌面與君相向轉相
親與君雙棲共一身願作貞松千歲古誰論芳槿一

朝新百年同謝西山日千秋萬古北邙塵

代悲白頭翁

洛陽城東桃李花飛來飛去落誰家洛陽女兒惜顏色行逢落花長歎息今年花落顏色改明年花開復誰在已見松柏摧爲薪夏間桑田變成海古人無復洛城東今人還對落花風年年歲歲花相似歲歲年年人不同寄言全盛紅顏子應憐半死白頭翁此翁白頭真可憐伊昔紅顏美少年公子王孫芳樹下清歌妙舞落花前光祿池臺開錦綉將軍樓閣畫神仙一朝臥病無相識三春行樂在誰邊宛轉娥眉能幾

時須臾鶴髮亂如絲但看古來歌舞地唯有黃昏鳥雀悲

汾陰行

李嶠

君不見昔日西京全盛時汾陰后土親祭祠齋宮宿寢設廚供撞鐘鳴鼓樹羽旂漢家四葉才且雄賓筵萬靈服九戎柏梁賦詩高宴罷詔書法駕幸河東河東太守親掃除奉迎至尊導鑾輿五營將校列交衛三河縱觀空閭里回旌駐蹕降靈場焚香奠醑邀百祥金鼎發食正焜煌靈祇煒燁攄景光埋玉陳牲禮神畢舉麾上馬乘輿出彼汾之曲嘉可遊杏蘭爲楫

桂爲舟棹歌微吟綵鷁浮簫鼓哀鳴白雲秋歡娛宴
洽賜羣后家家復除戶牛酒聲名動天樂無有千秋
萬歲南山壽自從天子向秦關玉輦金輿不復還珠
簾羽帳長寂寞鼎湖龍髯安可攀千齡人事一朝空
四海爲家此路窮雄豪意氣今何在壇場宮館盡蒿
蓬路逢故老長歎息世事回還不可測昔日青樓對
歌舞今日黃埃聚荆棘山川滿目淚沾衣富貴榮華
能幾時不見只今汾水上惟有年年秋鴈飛

綠珠篇

喬知之

知之妾碧玉藝絕當時武承嗣一見留之喬

作此篇以寄之碧玉繫詩裙帶投并死武大
怒殺喬

石家金谷重新聲明珠十斛買娉婷此日可憐君自
許此時可喜得人情君家閨閣未曾難常將歌無借
人看意氣雄豪非分理驕矜勢力橫相干辭君去去
終未忍徒勞掩袂傷鉛粉百季離別在高樓一代紅
顏爲君盡

入少密谿

沈佺期

雲峯苔壁遶谿斜江路香風夾岸花樹密不言通鳥
道雞鳴始覺有人家人家更在溪岩口澗水週流宅

前後游魚瞥瞥雙釣童伐木丁丁一樵叟自言避喧
非避秦薜衣耕鑿帝堯人相畱且待雞黍熟夕臥深
山蘿月春

明河篇

宋之問

八月涼風天氣清萬里無雲河漢明昏見南樓清且
淺曉落西山縱復橫洛陽城闕天中起長河夜夜千
門裏複道連甍共蔽虧畫堂瓊戶特相空雲母帳前
初汎濫水晶簾外轉透迤倬彼昭回如練白復出東
城接南陌南陌征人去不歸誰家今夜搗寒衣鴛鴦
機上疎管度烏鵲橋邊一鴈飛鴈飛管度愁難歇坐
見明河漸微沒已能舒卷任浮雲不惜光輝讓流月
明河可望不可親願得乘槎一問津更將織女支機
石還訪成都賣卜人

古劍篇

郭振

君不見昆吾鐵冶飛炎煙紅光紫氣俱赫然良工鍛
鍊凡幾年鑄得寶劍名龍泉龍泉顏色如霜雪良工
咨嗟歎奇絕琉璃玉匣吐蓮花錯鏤金環生明月正
逢天下無風塵幸得周防君子身精光黯黯青蛇色
文章片片綠龜鱗非直結交遊俠子亦曾親近英雄
人何言中路遭棄捐零落飄淪古獄邊雖復沈埋無

詩宗 三九集
所用猶能夜夜氣衝天

夜歸鹿門歌

孟浩然

山寺鳴鐘晝已昏
漁梁渡頭爭渡喧
人隨沙岸向江村
余亦乘舟歸鹿門
鹿門月照開烟樹
忽到龐公栖隱處
巖扉松逕長寂寥
惟有幽人自來去

烏夜啼

李白

黃雲城邊烏欲栖
歸飛啞啞枝上啼
機中織錦秦川女
碧紗如烟隔窻語
停梭悵然憶遠人
獨宿空房淚如雨

烏棲曲

姑蘇臺上烏棲時
吳王宮裏醉西施
吳歌楚舞歡未畢
青山欲銜半邊日
銀箭金壺漏水多
起看秋月墜江波
東方漸高奈樂何

採蓮曲

若耶谿傍採蓮女
笑隔荷花共人語
日照新妝水底明
風飄香袂空中舉
岸上誰家遊冶郎
三三五五映垂楊
紫驕嘶入落花去
見此踟躕空斷腸

行路難

金樽清酒斗十千
玉盤珍羞直萬錢
停杯投筯不能食
拔劍四顧心茫然
欲渡黃河水塞川
將登太行雪

滿山閑來垂釣碧谿上忽復乘舟夢日邊行路難行
路難多歧路今安在長風破浪會有時直挂雲帆濟
滄海

遠別離

時李林甫張后矯帝制遷上皇於西內太白有感而作

遠別離古有皇英之二女乃在洞庭之南瀟湘之浦
海水直下萬里深誰人不念此離苦日慘慘兮雲冥
冥猩猩啼煙兮鬼嘯雨我縱言之將何補皇穹竊恐
不照余之忠誠雲憑憑兮欲吼怒堯舜當之亦禪禹

君失臣兮龍爲魚權歸臣兮鼠變虎或言堯幽囚舜
野死九疑聯綿皆相似重瞳孤墳竟何是帝子泣兮
綠雲間隨風波兮去無還慟哭兮遠望見蒼梧之深
山蒼梧山崩湘水絕竹上之淚乃可滅

將進酒

君不見黃河之水天上來奔流到海不復迴又不見
高堂鬪鏡悲白髮朝如青絲暮如雪人生得意須盡
歡莫使金樽空對月天生我材必有用千金盡散還
復來烹羊宰牛且爲樂會須一飲三百盃岑夫子丹
丘生進酒君莫停與君歌一曲請君爲我側耳聽鐘

鼓饌玉不足貴但願長醉不願醒古來聖賢皆寂寞
惟有飲者留其名陳王昔日宴平樂斗酒十千恣歡
譔主人何爲言少錢徑須沽取對君酌五花馬千金
裘呼兒將出換美酒與爾同消萬古愁

蜀道難

噫吁嚱危乎高哉蜀道之難難於上青天巖叢及魚
鳧開國何茫然爾來四萬八千歲不與秦塞通人烟
西當太白有鳥道可以橫絕峨眉巔地崩山摧壯士
死然後天梯石棧相勾連上有六龍回日之高標下
有衝波逆折之迴川黃鶴之飛尚不能過猿猱欲度

愁攀援青泥何盤盤百步九折縈巖巒捫參歷井仰
脅息以手撫膺坐長嘆問君西遊何時還畏途巖巖
不可攀但見悲鳥號古木雄飛呼雌遶林間又聞子
規啼夜月愁空山蜀道之難難於上青天使人聽此
凋朱顏連峯去天不盈尺枯松倒挂倚絕壁飛湍瀑
流爭喧豨砢崖轉石萬壑雷其險也如此嗟爾遠道
之人胡爲乎來哉劍閣崢嶸而崔嵬一夫當關萬夫
莫開所守或匪親化爲狼與豺朝避猛虎夕避長蛇
磨牙吮血殺人如麻錦城雖云樂不如早還家蜀道
之難難於上青天側身西望長咨嗟

梁甫吟

長嘯梁甫吟何時見陽春君不見朝歌屠變辭棘津
八十西來釣渭濱寧羞白髮照清水逢時吐氣思經
綸廣張三千六百鈞風期暗與文王親大賢虎變愚
不測當年頗似尋常人君不見高陽酒徒起草中長
揖山東隆準公入門不拜騁雄辯兩女輟洗來趨風
東下齊城七十二指揮楚漢如旋蓬狂客落魄尚如
此何況壯士當羣雄我欲攀龍見明主雷公砰訇震
天鼓帝傍投壺多玉女三時大笑開電光倏爍晦冥
起風雨閭闔九門不可通以額扣關闈者怒白日不

照吾精誠杞國無事憂天傾糶獮磨牙競人肉騶虞
不折生草莖手接飛猱搏雕虎側足焦原未言苦知
者可卷愚者豪世人見我輕鴻毛力排南山三壯士
齊相殺之費二桃吳楚弄兵無劇孟亞夫哈爾爲徒
勞梁甫吟聲正悲張公兩龍劍神物合有時風雲感
會起屠釣大人峴岬當安之

灞陵行送別

送君灞陵亭灞水流浩浩上有無花之古樹下有傷
心之春草我向秦人問路岐云是王粲南登之古道
古道連綿走西京紫闕落日浮雲生正當今夕斷腸

言宗
處黃鸝愁絕不忍聽

江上吟

木蘭之枻沙棠舟玉簫金管坐兩頭美酒樽中置千
斛載妓隨波任去留仙人有待乘黃鶴海客無心隨
白鷗屈平詞賦懸日月楚王臺榭空山丘興酣落筆
搖五嶽詩成笑傲凌滄洲功名富貴若長在漢水亦
應西北流

玉壺吟

烈士擊玉壺壯心惜暮年三杯拂劍舞秋月忽然高
詠涕泗連鳳凰初下紫泥詔謁帝稱觴登御筵揄揚
九重萬乘主謔浪赤墀青瑣賢朝天數換飛龍馬勅
賜珊瑚白玉鞭世人不識東方朔大隱金門是謫仙
西施空笑復空顰醜女效之徒累身君王雖愛蛾眉
好無奈宮中妒殺人

侍從空春苑奉詔賦龍池柳色初青聽新鶯百

轉歌

東風已綠瀛洲草紫殿紅樓覺春好池南柳色半青
青縈煙裊娜拂綺城垂絲百尺挂雕楹上有好鳥相
和鳴間關早得春風情春風卷入碧雲去千門萬戶
皆春聲是時君王在鎬京五雲垂輝耀紫清仗出金

宮隨日轉天回玉輦遶花行始向蓬萊看舞鶴還過
萑石聽新鶯新鶯飛遶上林苑願入簫韶樵鳳笙

梁園吟

我浮黃雲去京闕挂席欲進波連山天長水闊厭遠
涉訪古始及平臺間平臺爲客憂思多對酒遂作梁
園歌却憶蓬池阮公咏因唸綠水揚洪波洪波浩蕩
迷舊國路遠西歸安可得人生達命豈暇愁且飲美
酒登高樓平頭奴子搖大扇五月不熱疑清秋玉盤
楊梅爲君設吳鹽如花皎白雪持鹽把酒但飲之莫
學夷齊事高潔昔人豪貴信陵君今人耕種信陵墳
荒城虛照碧山月古木盡入蒼梧雲梁王宮闕今安
在枚馬先歸不相待舞影歌聲散綠池空餘汴水流
東海沉吟此事淚滿衣黃金買醉不能歸連呼五白
行六博分曹賭酒酣馳輝歌且謠意方遠東山高臥
時起來欲濟蒼生未應晚

夢遊天姥吟留別

海客談瀛洲煙濤微茫信難求越人語天姥雲霓明
滅或可覩天姥連天向天橫勢拔五嶽掩赤城天台
四萬八千丈對此欲倒東南傾我欲因之夢吳越一
夜飛度鏡湖月湖月照我影送我至剡溪謝公宿處

今尚在綠水蕩漾清猿啼脚著謝公屐身登青雲梯
半壁見海日空中聞天雞千巖萬轉路不定迷花倚
石忽已暝熊咆龍吟殷巖泉慄深林兮驚層巖雲青
青兮欲雨水澹澹兮生煙列鼓霹靂邱壘崩摧洞天
石扇訇然中開青冥浩蕩不見底日月照耀金銀臺
霓爲衣兮風爲馬雲之君兮紛紛而來下虎鼓瑟兮
鸞回車仙之人兮列如麻忽魂悸以魄動恍驚起而
長嗟惟覺時之枕席失向來之烟霞世間行樂亦如
此古來萬事東流水別君去時何時還且放白鹿青
崖間須行即騎訪名山安能摧眉折腰事權貴使我

不能開心顏

宣州謝朓樓餞別校書叔雲

棄我去者昨日之日不可留亂我心者今日之日多
煩憂長風萬里送秋鴈對此可以酣高樓蓬萊文章
建安骨中間小謝又清發俱懷逸興壯思飛欲上青
天覽日月抽刀斷水水更流舉杯消愁愁更悠人生
在世不稱意明朝散髮弄扁舟

金陵酒肆留別

風吹柳花滿店香吳姬壓酒勸客嘗金陵子弟來相
送欲行不行各盡觴請君試問東流水別意與之誰

短長

西嶽雲臺歌送丹丘子

西嶽崢嶸何壯哉，黃河如絲天際來。黃河萬里觸山動，盤渦轂轉奏地雷。榮光休氣紛五彩，千年一清聖人在。巨靈咆哮擘兩山，洪波噴箭射東海。三峯却立如欲摧，翠厓丹谷高掌開。白帝金精運元氣，石作蓮花雲作臺。雲臺閣道連窈冥，中有不死丹丘生。明星玉女備灑掃，麻姑搔背指爪輕。我皇手把天地戶，丹丘談天與天語。九重出入生光輝，東來蓬萊復西歸。玉漿倘或故人飲，騎二毛龍上天飛。

把酒問月

青天有月來幾時，我今停杯一問之。人攀明月不可得，月行却與人相隨。皎如飛鏡臨丹闕，綠烟滅盡清輝發。但見宵從海上來，寧知曉向雲間沒。白兔搗藥秋復春，嫦娥孤棲與誰隣。今人不見古時月，今月曾經照古人。古人今人若流水，共看明月皆如此。惟願當歌對酒時，月光長照金樽裏。

古行路難

李頎

漢家名臣楊德祖，四代五公享茅土。父子兄弟綰銀黃，躍馬鳴珂朝建章。火浣單衣繡方領，茱萸錦帶玉

盤囊賓客填街復滿座片言出口生輝光世人逐勢
爭奔走雁膽墮肝唯恐後當時一願登青雲自謂生
死長隨君一朝謝病還鄉里窮巷蒼苔絕知己秋風
落葉閉重門昨日論文竟誰是薄俗嗟嗟難重陳溪
山麋鹿可爲隣魯連所以蹈東海古往今來稱達人

送劉十

二十不官亦不娶時人焉識道高下房中惟有老氏
經樞上空餘少遊馬往來嵩華與函秦放歌一曲前
山春西林獨鶴引閒步南礪飛泉清角巾前年上書
不得意歸臥東山兀然醉諸兄相繼掌青史第五之
名齊驃騎烹葵摘菓告我行落日夏雲縱復橫聞道
謝安掩口笑知君不免爲蒼生

送陳章甫

四月南風大麥黃棗花未落桐葉長青山朝別暮還
見嘶馬出門忠舊鄉陳侯立身何坦蕩虬鬚虎眉仍
大顙腹中貯書一萬卷不肯低頭在草莽東門酤酒
飲我曹心輕萬事如鴻毛醉臥不知白日暮有時空
望孤雲高長河浪頭連天黑津吏停舟渡不得鄭國
游人未及家洛陽行子空歎息聞道故林相識多罷
官昨日今如何

長安城中月如練家家此夜持針線仙裙玉佩空自
知天上人間不相見長信深陰夜轉幽玉階金閣數
螢流班姬此夕愁無限河漢三更看斗牛

七夕詞

崔顥

代閨人答輕薄少年

妾家近隔鳳凰池粉壁紗牕楊柳垂本期漢代金吾
婿誤嫁長安遊俠兒兒家夫婿多輕薄借客揆九重
然諾平明挾彈入新豐日晚揮鞭出長樂青絲白馬
冶遊園能使行人駐馬看自矜陌上繁華盛不念閨
中花鳥闌花間陌上春將晚走馬鬪雞猶未返三時

出望無消息一去那知行近遠桃李花開覆井欄朱
樓落日捲簾看愁來欲奏相思曲抱得秦箏不忍彈

隴頭吟

王維

長安少年遊俠客夜上戍樓看太白隴頭明月尚臨
關隴上行人夜吹笛關西老將不勝愁駐馬聽之雙
淚流曾經大小百餘戰麾下徧裨萬戶侯蘇武纔爲
典屬國節旄空落海西頭

夷門歌

七國雄雌猶未分攻城殺將何紛紛秦兵益圍邯鄲
急魏王不救平原君公子爲嬴停駟馬執轡逾恭意

逾下亥爲屠肆鼓刀人羸乃夷門抱關者非但慷慨
獻奇謀意氣兼將身命酬向風刎頭送公子七十老
翁何所求

燕支行

漢家大將才且雄來時謁帝明光宮萬乘親推雙闕
下千官出餞五陵東誓辭甲第金門裏身作長城玉
塞中衛霍纔堪一騎將朝廷不數貳師功趙魏燕韓
多勁卒關西俠少何咆勃報讎只是聞嘗膽飲酒不
曾妨刮骨畫戟離戈白日寒連旗大旆黃塵沒墨鼓
遙翻瀚海波鳴笳亂動天山月麒麟錦帶珮吳鉤颯
踏青驪躍紫騮拔劍已斷天驕臂歸鞍共飲月支頭
漢兵大呼一當百虜騎相看哭且愁教戰須令赴湯
火終知上將先伐謀

老將行

少年十五二十時步行奪取胡馬騎射殺山中白額
虎肯數鄴下黃鬚兒一身轉戰三千里一劍曾當百
萬師漢兵奮迅如霹靂虜騎崩騰畏蒺藜衛青不敗
由天幸李廣無功緣數奇自從棄置便衰朽世事蹉
跎成白首昔時飛箭無全目今日垂楊生左肘路傍
時賣故侯瓜門前學種先生柳蒼茫古木連窮巷寥

言宗 三居集
落寒山對虛牖誓令疎勒出飛泉不似潁川空使酒
賀蘭山下陣如雲羽檄交馳日夕聞節使三河募年
少詔書五道出將軍試拂鐵衣如雪色聊持寶劔動
星文願得燕弓射天狼恥令越甲鳴吳軍莫嫌舊日
雲中守猶堪一戰樹功勳

桃源行

漁舟逐水愛山春兩岸桃花夾去津坐看紅樹不知
遠行盡清谿不見人山口潛行始隈隩山開曠望旋
平陸遙看一處攢雲樹近入千家散花竹樵客初傳
漢姓名居人未改秦衣服居人共住武陵源還從物

外起田園月明松下房櫺靜日出雲中雞犬喧驚聞
俗客爭來集競引還家問鄉邑平明闔巷掃花開薄
暮漁樵乘水入初因避地去人間夏間成仙遂不還
峽裏誰知有人事世上遙望空雲山不疑靈境難再
見塵心未盡思鄉縣出洞無論隔山水辭家終擬長
遊行自謂經過舊不迷安知峯壑今來變當時只記
入山溪青谿幾度到雲林春來遍是桃花水不辨仙
源何處尋

寒食城東卽事

清溪一道穿桃李演漾綠蒲涵白芷溪上人家凡幾

家落花半落東流水蹴踘屢過飛鳥上鞦韆競出垂
楊裏少年分日作遨遊不用清明兼上巳

同崔傳答賢弟

洛陽才子姑蘇客杜宛殊非故鄉陌九江楓樹幾回
青一片揚州五湖白揚州時有下江兵蘭陵鎮前吹
笛聲夜火人歸富春郭秋風鶴唳石頭城周郎陸弟
爲儔侶對舞前溪歌白紵曲几書畱小吏家草堂碁
賭山陰墅衣冠若話外臺臣先數夫君席上珍更聞
臺閣求三語遙想風流第一人

送崔五太守

長安廢吏來到門朱門露網動行軒黃花縣西九折
坂玉樹宮南五丈原褒斜谷中不容憶惟有白雲當
露冕子午山裏杜鵑啼嘉陵水頭行客飯劔門忽斷
蜀川開萬井雙流滿眼來霧中遠樹刀州出天際澄
江巴字回使君年紀三十餘少年白哲專城居欲持
畫省郎官筆回與臨邛父老書

薔薇

儲光義

裊裊長數尋青青不作林一莖獨秀當庭心數枝分
作滿庭陰春日遲遲欲將半庭影離離正堪玩枝上
嬌鶯不畏人葉底飛蛾自相亂秦家女兒愛芳菲畫

眉相伴采葳蕤高處紅鬚欲就手低邊綠刺已牽衣
蒲桃架上朝光滿楊柳園中暝鳥飛連袂踏歌從此
去風吹香氣逐人歸

行路難

高適

君不見富家翁舊時貧賤誰比數一朝金多結豪貴
百事勝人健如虎子孫成行滿眼前妻能管絃妾能
舞自矜一身忽如此却笑傷人獨愁苦東陵少年安
所如席門窮巷出無車有才不肯學干謁何用年年
空讀書

邯鄲少年行

邯鄲城南遊俠子自矜生長邯鄲裏千場縱博家仍
富幾處報讎身不死宅中歌笑日紛紛門外車馬如
雲屯未知肝膽向誰是令人却憶平原君君不見今
日交態薄黃金用盡還疎索以茲感歎辭舊遊更於
時事無所求且與少年飲美酒往來射獵西山頭

古大梁行

古城莽蒼饒荆榛驅馬荒城愁殺人魏王宮觀盡禾
黍信陵賓客隨灰塵憶昨雄都舊朝市軒車照耀歌
鍾起軍容帶甲三十萬國步連營五千里全盛須臾
那可論高臺曲池無復存遺墟但見狐狸迹古地空

言字
三層集
餘草木根暮天搖落傷懷抱撫劍悲歌對秋草俠客
猶傳朱亥名行人尚識夷門道白壁黃金萬戶侯寶
刀駿馬填山丘年代淒涼不可問往來惟見水東流

燕歌行

漢家烟塵在東北漢將辭家破殘賊男兒本自重橫
行天子非常賜顏色提金伐鼓下榆關旌旆逶迤碣
石間校尉羽書飛瀚海單于獵火照狼山山川蕭條
極邊土胡騎憑陵雜風雨戰士軍前半死生美人帳
下猶歌舞大漠窮秋塞草肥孤城落日鬪兵稀身當
恩遇常輕敵力盡關山未解圍鐵衣遠戍辛勤久玉

筋應啼別離後少婦城南欲斷腸征人薊北空回首
邊庭飄飄那可度絕域蒼茫無所有殺氣三時作陣
雲寒聲一夜傳刁斗相看白刃雪紛紛死節從來豈
願勳君不見沙場征戰苦至今猶憶李將軍

寄宿田家

田家老翁住東陂說道平生隱在茲髮白未曾記日
月山青每到識春時門前種柳溪成巷野谷流泉添
入池牛壯日畊十畝地人間常掃一茅茨客來滿酌
清罇酒感興平吟才子詩岩際窟中藏鼯鼠潭邊竹
裏隱鷓鴣村墟日落行人少醉後無心怯路歧今夜

只應還寄宿明朝拂曙與君辭

封丘縣

我本漁樵孟諸野一生自是悠悠者乍可狂歌草澤
中寧堪作吏風塵下祇言小邑無所爲公門百事皆
有期拜迎官長心欲碎鞭撻黎庶令人悲悲來向家
問妻子舉家盡笑今如此生事應須南畝田世情付
與東流水夢想舊山安在哉爲銜君命日遲迴乃知
梅福徒爲爾轉憶陶潛歸去來

蜀葵花歌

岑參

昨日一花開今日一花開今日花正好昨日花已老

人生不得恆少年莫惜牀頭沽酒錢請君有錢向酒
家君不見蜀葵花

登古鄴城

下馬登鄴城城空復何見東風吹野火暮入飛雲殿
城隅南對望陵臺漳水東流不復迴武帝宮中人去
盡年年春色爲誰來

韋員外家花樹歌

今年花似去年好去年人到今年老始知人老不如
花可惜落花君莫掃君家兄弟不可當列卿御史尚
書郎朝回花底恆會客花撲玉缸春酒香

漁父

扁舟滄浪空心與滄浪清不自道鄉里無人知姓名
朝從灘上飯暮向蘆中宿歌竟還復歌手持一竿竹
竿頭釣絲長丈餘鼓枻乘流無定居世人那得識溪
趣此翁取適非取魚

西亭子送李司馬

高高亭子郡城西直上千尺與雲齊盤厓緣壁試攀
躋羣山向下飛鳥低使君五馬天半嘶絲繩玉壺為
君提坐來一望無端倪紅花綠柳鶯亂啼千家萬井
連回溪酒行未醉聞暮雞點筆操紙為君題為君題

惜解芳草萋萋沒馬蹄

輪臺歌奉送封大夫出師西征

輪臺城頭夜吹角輪臺城北旄頭落羽書昨夜過渠
黎單于已在金山西戍樓西望煙塵黑漢兵屯在輪
臺北上將擁旄西出征平明吹笛大軍行四邊伐鼓
雪海湧三軍大呼陰山動虜塞兵氣連雲屯戰場白
骨纏草根劔河風急雲片闊沙口石凍馬蹄脫亞相
勤王甘苦辛誓將報主靜邊塵古來青史誰不見今
見功名勝古人

白雪歌送武判官歸

北風卷地白草折胡天八月即飛雪忽如一夜春風
來千樹萬樹梨花開散入珠簾濕羅幕狐裘不煖錦
衾薄將軍角弓不得控都護鐵衣難冷著瀚海闌干
百丈冰愁雲慘淡萬里凝中軍置酒飲歸客胡琴琵琶
與羌笛紛紛暮雪下轅門風掣紅旗凍不翻輪臺
東門送君去去時雪滿天山路山迴路轉不見君雪
上空留馬行處

太白胡僧歌

間有胡僧在太白蘭若去天三百尺一持楞伽入中
峯世人難見但聞鐘牕邊錫杖解兩虎牀下鉢盂藏
一龍草衣不針復不線兩耳垂肩眉覆面此僧年幾
那得知手種青松今十圍心將流水同清淨身與浮
雲無是非商山老人已曾識願一見之何由得山中
有僧人不識城裏看山空黛色

范公叢竹歌

世人見竹不解愛知君種竹庭府內此君托根幸得
地種來幾昔間已大盛夏備備叢色寒間宵槭槭葉
聲乾能清案牘簾下見空對琴書牕外看爲君成陰
將蔽日迸笋穿階踏還出守節偏凌御史霜虛心願
比郎官筆君莫愛南山松樹枝竹色四昔也不移寒

天草木黃落盡猶自青青君始知

衛節度赤驃馬歌

君家赤驃畫不得一團旋風桃花色紅纓紫韁珊瑚
鞭玉鞍錦鞵黃金勒請君鞞出看君騎尾長窄地如
紅絲自矜諸馬皆不及却憶百金初買時香街紫陌
鳳城內滿城見者誰不愛揚鞭驟急白汗流弄影行
騎碧蹄碎紫髯胡雛金剪刀平明剪出三駿高櫪上
看時獨意氣衆中牽出偏雄豪騎將獵向南山口城
南狐兔不復有草頭一點疾如飛却使蒼鷹翻向後
憶昨看君朝未央鳴珂擁蓋滿路香始知邊將眞富

貴可憐人馬相輝光男兒稱意得如此駿馬長鳴北
風起待君東去掃胡塵爲君一日行千里

送費子歸武昌

漢陽歸客悲秋草旅舍葉飛愁不掃秋來倍憶武昌
魚夢著祇在巴陵道曾隨上將過祁連離家十季常
在邊劔鋒可惜虛用盡馬蹄無事今已穿知君開館
恆愛客携蒲百金每一擲平生有錢將與人江上故
園空四壁吾觀費子毛骨奇廣眉大口仍赤髭看君
失路尚如此人生貴賤那得知高秋八月歸南楚東
門一壺聊出祖路指鳳凰山北雲衣霑鸚鵡洲邊雨

言宗
二
勿歎蹉跎白髮新應須守道勿羞貧男兒何心戀妻
子莫向江村老却人

與獨孤漸道別長句兼呈嚴八侍御

輪臺客舍春草滿潁陽歸客腸堪斷窮荒絕漠鳥不
飛萬頃千山夢猶懶憐君白面一書生讀書千卷未
成名五貴侯門脚不到數畝山田身自耕興來浪跡
無遠近及至舜家憶鄉信無事垂鞭信馬頭西南幾
欲窮天盡奉使三年獨未歸邊頭詞客舊來稀借問
君來得幾日到家不覺換春衣高齋清書卷羅幕紗
帽接羅幃不著中酒朝眠日色高彈碁夜半燈花落

冰片高堆金錯盤滿堂凜凜五月寒桂林蒲桃新吐
蔓武城刺蜜未可餐軍中置酒夜搥鼓錦筵紅燭月
未午花門將軍善胡歌葉河蕃王能漢語知爾園林
屨涓濱夫人堂上泣羅裙魚龍川北磬溪雨鳥鼠山
西泚水雲臺中嚴公於我厚別後新詩滿人口自憐
棄置天西頭因君爲問相思否

贈喬林

張謂

去年上策不見收今年寄食仍淹留羨君有酒能復
醉羨君無錢能不憂如今五侯不待客羨君不入五
侯宅如今七貴方自尊羨君不過七貴門丈夫會應

言宗 一居身
有知己世上悠悠安足論

湖中對酒作

夜坐不厭湖上月
晝行不厭湖上山
眼前一罇又常
滿心中萬事如等閒
主人有黍萬餘石
濁醪數斗應
不惜卽今相對不盡歡
別後相思復何益
茱萸灣頭
歸路賒願君且宿黃公家
風光若此人不醉
參差辜負東園花

詩宗辰集卷九

詩宗辰集卷十

古詩 七言一百三十四首

飲中八仙歌

杜甫

知章騎馬似乘船
眼花落井水底眠
汝陽三斗始朝天
道逢麴車口流涎
恨不移封向酒泉
左相日興費萬錢
飲如長鯨吸百川
銜杯樂聖稱避賢
宗之瀟灑美少年
舉觴白眼望青天
皎如玉樹臨風前
蘇晉長齋綉佛前
醉中往往愛逃禪
李白一斗詩百篇
長安市上酒家眠
天子呼來不上船
自稱臣是酒中仙
張旭三杯草聖傳
脫帽露頂王公前
揮毫落紙如雲烟

下唐

焦遂五斗方卓然高談雄辯驚四筵

兵車行

車轉轉馬蕭蕭行人弓箭各在腰
爺孀妻子走相送塵埃不見咸陽橋
牽衣頓足攔道哭哭聲直上千雲霄
道傍過者問行人行人但云點行頻
或從十五北防河便至四十西營田
去時里正與裏頭歸來頭白還成邊
邊庭流血成海水武皇開邊意未已
君不見漢家山東二百州千村萬落生
荆杞縱有健婦把鋤犁禾生隴畝無
東西况復秦兵耐苦戰被驅不異犬
與雞長者雖有問役夫敢伸恨且如
今年冬未休關

西卒縣官急索租租稅從何出信知生男惡反是生
女好生女猶得嫁比鄰生男埋沒隨白草君不見青
海頭古來白骨無人收新鬼煩冤舊鬼哭天陰雨濕
聲啾啾

貧交行

翻手作雲覆手雨紛紛輕薄何須數君不見管鮑貧
時交此道今人棄如土

醉時歌

諸公哀哀登臺省廣文先生官獨冷甲第紛紛厭梁
肉廣文先生飯不足先生有道出羲皇先生有才過

屈宋德尊一代常，軾軻名垂萬古知。何用杜陵野客
人，夏嘔被褐短窄鬢如絲。日糴太倉五升米，時赴鄭
老同襟期。得錢卽相覓，沽酒不復疑。忘形到爾汝，痛
飲真吾師。清夜沈沈動春酌，燈前細雨簷花落。但覺
高歌有鬼神，焉知餓死填溝壑。相如逸才親滌器，子
雲識字終投閣。先生早賦歸去來，石田葑屋荒青苔。
儒術於我何有哉，孔丘盜跖俱塵埃。不須聞此意慘
愴，生前相遇且銜杯。

麗人行

三月三日天氣新，長安水邊多麗人。態濃意遠淑且

眞肌理細膩，骨肉勻。綉羅衣裳照暮春，蹙金孔雀銀
麒麟。頭上何所有，翠爲盞。葉垂鬢，脣背後何所見，珠
壓腰。極穩稱身，就中雲幕椒房親。賜名大國號，與秦
紫駝之峯出，翠蚩水精之盤行。素鱗犀筋厭飫，久未
下。鸞刀縷切空紛綸，黃門飛鞚不動塵。御廚絲絡送
八珍，蕭鼓哀吟感鬼神。賓從雜遝實要津，後來鞍馬
何逡巡。當軒下馬入錦茵，楊花雪落覆白蘋。青鳥飛
去銜紅巾，炙手可熱勢絕倫。慎莫近前丞相嗔。

漢陂行

岑參兄弟皆好奇，携我遠來遊漢陂。天地踰慘忽異

言
三
色波濤萬頃堆琉璃瑠璃漫汗泛舟入事殊興極憂
患集鬣作鯨吞不復知惡風白浪何嗟及主人錦帆
相為開舟子喜甚無氛埃鳧鷖散亂棹歌發絲管啁
啾空翠來沈竿續蔓溪莫測菱葉荷花靜如拭宛在
中流渤澥清下歸無極終南黑半陂已南純浸山動
影曩窈冲融間船舷暝夏雲際寺木面月出藍田關
此時驪龍亦吐珠馮夷擊鼓羣龍趨湘妃漢女出歌
舞金支翠旗光有無咫尺但愁雷雨至蒼茫不曉神
靈意少壯幾時奈老何向來哀樂何其多

奉先劉少府新畫山水障歌

堂上不合生楓樹怪底江山起烟霧聞君掃却赤縣
圖乘興遣畫滄洲趣畫師亦無數好手不可遇對此
融心神知君重毫素豈但祁岳與鄭虔筆跡遠過楊
契丹得非玄圃裂無乃瀟湘翻悄然坐我天姥下耳
邊已似聞清猿反患前夜風雨急乃是滿城鬼神入
元氣淋漓障猶溼真宰上訴天應泣野亭春還雜花
遠漁翁暝踏孤舟立滄浪水深青溟闊敲岸側鳥秋
毫末不見湘妃鼓瑟昔至今斑竹臨江活劉侯天機
精愛畫入骨髓自有兩兒郎揮灑亦莫比大兒聰明
到能添老樹巔厓裏小兒心孔開貌得山僧及童子

若耶溪雲門寺吾獨胡爲在泥滓青鞋布襪從此始

天育驃騎歌

吾聞天子之馬走千里今之畫圖無乃是何意態
雄且傑駿尾蕭梢朔風起毛爲綠縹兩耳黃眼有紫
焰雙瞳方矯矯龍性合變化卓立天骨森開張伊昔
太僕張景順考校攻駒閱清峻遂令大奴字天育別
養驥子憐神俊當時四十萬匹馬張公歎其材盡下
故獨寫真傳世人見之座右久愛新年多物化空形
影嗚呼健少無由騁如今豈無驥衰與驂騑時無王
良伯樂虎卽休

驄馬行

鄧公馬癖人共知初得花驄大宛種夙昔傳聞患一
見牽來左右神皆竦雄姿逸態何嶮峇顧影驕嘶自
矜寵隅目青熒夾鏡懸肉駿礮礮連錢動朝來少試
華軒下未覺千金滿高價赤汗微生白雪毛銀鞍却
覆香羅帕卿家舊物公能取天廐眞龍此其亞晝洗
須騰涇渭淡夕趨可刷幽并夜吾聞良驥老始成此
馬數年人更驚豈有四蹄疾於鳥不與八駿俱先鳴
時俗造次那得致雲霧晦冥方降精近聞下詔喧都
邑肯使麒麟地上行

哀王孫

安祿山驚潼關上夜半出延秋門諸王公主
皆不及從多爲賊所屠此詩記而哀之

長安城頭頭白烏夜飛延秋門上呼又向人家啄大
屋屋底達官走避胡金鞭斷絕九馬死骨肉不待同
馳驅腰下寶玦青珊瑚可憐王孫泣路隅問之不肯
道姓名但道困苦乞爲奴已經百日竄荆棘身上無
有完肌膚高帝子孫盡隆準龍種自與常人殊豺狼
在邑龍在野王孫善保千金軀不敢長語臨交衢且
爲王孫立斯須昨夜東風吹血腥東來橐駝滿舊都

朔方健兒好身手昔何勇銳今何愚竊聞太子已傳
位聖德北服南單于花門勢面請雪恥慎勿出口他
人狙哀哉王孫慎勿疎五陵佳氣無時無

哀江頭

少陵野老吞聲哭春日潛行曲江曲江頭宮殿鎖千
門細柳新蒲爲誰綠憶昔霓旗下南苑苑中萬物生
顏色昭陽殿裏第一人同輦隨君侍君側輦前才人
帶弓箭白馬嚼嚙黃金勒翻身向天仰射雲一箭正
墜雙飛翼明眸皓齒今何在血污遊魂歸不得清渭
東流劔閣深去住彼此無消息人生有情淚沾臆江

水江花豈終極黃昏胡騎塵滿城欲往城南望南北
送孔巢父謝病歸遊江東兼呈李白

巢父掉頭不肯住東將入海隨煙霧詩卷長留天地
間釣竿欲拂珊瑚樹溪山大澤龍蛇遠春寒野陰風
景暮蓬萊織女回雲車指點虛無引歸路自是君身
有仙骨世人那得知其故惜君只欲苦死留富貴何
如草頭露蔡侯靜者意有餘清夜置酒臨前除罷琴
惆悵月照席幾歲寄我空中書南尋禹穴見李白道
甫問訊今何如

瘦馬行

東郊瘦馬使我傷骨骼碎兀如堵墻絆之欲動轉敲
側此豈有意仍騰驤細看六印帶官字衆道三軍遺
路傷皮乾剝落雜泥滓毛暗蕭條連雪霜去歲奔波
逐餘寇驕驕不慣不得將士卒多騎內廐馬惆悵恐
是病乘黃當時歷塊誤一蹶委棄非汝能周防見人
慘憺若哀訴失主錯莫無晶光天寒遠放鴈爲伴日
暮不收烏啄瘡誰家且養願終惠更試明年春草長

題李尊師松樹障子歌

老夫清晨梳白頭玄都道士來相訪握髮呼兒延入
戶手持新畫青松障障子松林靜杳冥憑軒忽若無

丹青陰崖却承霜雪幹偃蓋反走蚪龍形老夫平生
好奇古對此興與精靈聚已知仙客意相親更覺良
工心獨苦松下丈人巾履同偶坐似是商山翁悵望
聊歌紫芝曲時危慘澹來悲風

洗兵馬

中興諸將收山東捷書夜報清書同河廣傳聞一葦
過胡兒命在破竹中祇殘鄴城不日得獨任朔方無
限功京師皆騎汗血馬回紇餒肉蒲萄宮已喜皇威
清海岱常患仙仗過崆峒三年笛裏關山月萬國兵
前草木風成王功大心轉小郭相謀淡古來少司徒

清鑑懸明鏡尚書氣與秋天杳二三豪俊為時出整
頓乾坤濟時了東走無復憶鱸魚南飛覺有安巢鳥
青春復隨冠冕入紫禁正耐烟花繞鶴駕通宵鳳輦
備雞鳴問寢龍樓曉攀龍附鳳勢莫當天下盡化為
侯王汝等豈知蒙帝力時來不得誇身強關中既留
蕭丞相幕下復用張子房張公一生江海客身長九
尺鬚眉蒼微起適遇風雲會扶顛始知籌策良青袍
白馬更何有後漢今周喜再昌寸地尺土皆入貢奇
祥異瑞爭來送不知何國致白環復道諸山得銀甕
隱士休歌紫芝曲詞人解撰河清頌田家望望惜雨

乾布穀處處催春種
淇上健兒歸莫懶
城南忠婦愁多夢
安得壯士挽天河
淨洗甲兵長不用

憶昔行

憶昔北尋小有洞
洪河怒濤過輕舸
辛勤不見華蓋君
艮岑青輝慘么麼
千厓無人萬壑靜
三步回頭五步坐
秋山眼冷魂未歸
仙賞心違淚交墮
弟子誰依白茅室
盧老獨啓青銅鎖
巾拂香餘搗藥塵
階除灰死燒丹火
玄圃滄洲莽空闊
金節羽衣飄婀娜
落日初霞閃餘映
倏忽東西無不可
松風礪水聲合時
青兕黃熊啼向我
徒然咨嗟撫遺跡
至今夢想仍猶左

祕設隱文須內教
晚歲何功使願果
夏討衡陽董鍊師
南遊早鼓瀟湘柂

岳麓山道林二寺行

玉泉之南麓山殊
道林林壑爭盤紆
寺門高開洞庭野
殿脚插入赤沙湖
五月寒風冷佛骨
六時天樂朝香爐
地靈步步雪山草
僧寶人人滄海珠
塔劫宮牆壯麗敵
香廚松道清涼俱
蓮花交響共命馬
金榜雙迴三足鳥
方丈涉海費時節
玄圃尋河知有無
暮年且喜經行近
春日兼蒙暄暖扶
飄然斑白身奚適
傷此烟霞茅可誅
桃源人家易制度
橘州田土仍膏腴

潭府邑中甚淳古太守庭內不喧呼昔遭衰世皆晦
迹今幸樂國養微軀依止老宿亦未晚富貴功名焉
足圖久爲野客尋幽慣細學何顛免興孤一重一掩
吾肺腑山鳥山花吾友于宋公放逐曾題壁物色分
畱與老夫

蘇端薛復筵簡薛華醉歌

文章有神交有道端復得之名譽早愛客滿堂盡豪
傑開筵上日忠芳草安得健步移遠梅亂插繁花向
晴昊千里猶殘舊冰雪百壺且試開懷抱垂老惡聞
戰鼓悲急觴爲緩憂心擣少年努力縱談笑看我形

容已枯槁座中薛華善醉歌歌辭自作風格老近來
海內爲長句汝與山東李白好何劉沈謝力未工才
兼鮑照愁絕倒諸生頗盡新知樂萬事終傷不自保
氣酣日落西風來願吹野水添金杯如灑之酒常悵
意亦知窮愁安在哉忽憶雨時秋井塌古人白骨生
青苔如何不飲令心哀

乾元中寓居同谷縣作歌

有客有客字子美白頭亂髮垂過耳歲拾橡栗隨狙
公天寒日暮山谷裏中原無書歸不得手脚凍皴皮
肉死嗚呼一歌兮歌已哀悲風爲我從天來

長鑿長鑿白木柄我生托子以爲命黃精無苗山雪
盛短衣數挽不掩脛此時與子空歸來男呻女吟四
壁靜嗚呼二歌兮歌始放閭里爲我色惆悵
有弟有弟在遠方三人各瘦何人強生別展轉不相
見胡塵暗天道路長東飛鴛鴦後鶯鶯安得送我置
汝傍嗚呼三歌兮歌三發汝歸何處收兄骨
有妹有妹在鍾離良人早歿諸孤癡長淮浪高蛟龍
怒十年不見來何時扁舟欲往箭滿眼杳杳南國多
旌旗嗚呼四歌兮歌四奏林猿爲我啼清晝
四山多風溪水急寒雨颯颯枯樹濕黃蒿古城雲不

開白狐跳梁黃狐立我生胡爲在窮谷中夜起坐萬
感集嗚呼五歌兮歌正長魂招不來歸故鄉

南有龍兮在山湫古木龍蟠枝相樛木葉黃落龍正
蟄蝮蛇東來水上遊我行怪此安敢出拔劍欲斬且
復休嗚呼六歌兮歌思遲溪壑爲我回春姿

男兒生不成名身已老三年飢走荒山道長安卿相
多少年富貴應須致身早山中儒生舊相識但話宿
昔傷懷抱嗚呼七歌兮情終曲仰視皇天白日速

戲題王宰畫山水圖歌

十日畫一水五日畫一石能事不受相促迫王宰始

肯留真迹壯哉崑崙方壺圖挂君高堂之素壁巴陵
洞庭日本東赤岸水與銀河通中有雲氣隨飛龍舟
人漁子入浦敘山木盡亞洪濤風尤工遠勢古莫比
咫尺應須論萬里焉得并州快剪刀剪取吳松半江
水

戲韋偃爲雙松圖歌

天下幾人畫古松畢宏已老韋偃少絕筆長風起纒
末滿堂動色嗟神妙兩株慘裂苔蘚皮屈鐵交錯回
高枝白摧朽骨龍虎死黑入太陰雷雨垂松根胡僧
憇寂寞厖眉皓首無住著偏袒右肩露雙腳葉裏松
子僧前落韋侯韋侯數相見我有一疋好東絹重之
不減錦繡段已令拂拭光凌亂請君放筆爲直幹

戲作花卿歌

成都猛將有花卿學語小兒知姓名用如快鶻風火
生見賊唯多身始輕綿州副使著柘黃我卿掃除即
日平子璋鬪體血模糊手提擲還崔大夫李卿重有
此節度人道我卿絕世無既稱絕世無天子何不喚
取守京都

觀打魚歌

綿州江水之東津魴魚鱖鱖色勝銀漁人漾舟沈大

言
三
網截江一擁數百鱗衆魚當才盡却棄赤鯉騰出如
有神潛龍無聲老蛟怒迴風颯颯吹沙塵饕子左右
揮霜刀膾飛金盤白雪高徐州秃尾不足憶漢陰槎
頭遠遁逃魴魚肥美知第一既飽驩娛亦蕭瑟君不
見朝來割素髻咫尺波濤永相失

又觀打魚

蒼江漁子清晨集設網提綱萬魚急能者操舟疾若
風撐突波濤挺叉入小魚脫漏不可紀半死半生猶
戢戢大魚傷損皆垂頭屈強泥沙有時立東津觀魚
已再來主人罷鱸還傾杯日暮蛟龍改窟穴山根鱸

鮪隨雲雷干戈兵革鬪未已鳳凰麒麟安在哉吾徒
胡爲縱此樂暴殄天物聖所哀

桃竹杖引贈章留後

江心蟠石生桃竹蒼波噴浸尺度足斬根削皮如紫
玉江妃水仙惜不得梓潼使君開一束滿堂賓客皆
嘆息憐我老病贈兩莖出入爪甲鏗有聲老夫復欲
東南征乘濤鼓柁白帝城路幽必爲鬼神奪杖劍或
與蛟龍爭重爲告曰杖兮杖兮爾之生也甚正直慎
勿見水踴躍學變化爲龍使我不得爾之扶持滅跡
於君山湖上之青峯噫風塵鴻洞兮豺虎咬人忽失

雙杖兮吾將曷從

冬狩行

君不見東川節度兵馬雄
校獵亦似觀成功
夜發猛士三千人
清晨合圍步驟同
禽獸已斃十七八
殺聲落日迴蒼穹
幕前生致九青兕
駝巉峩垂玄熊
東西南北百里間
鬣鬣蹴踏寒山空
有鳥名鵠鴝力不能
高飛逐走蓬肉味不足
登鼎俎胡爲見羈虞羅中
春蒐冬狩侯得同
使君五馬一馬驄
況今攝行大將權
號令頗有前賢風
飄然時危一老翁
十年厭見旌旗紅
喜君士卒甚整肅
爲我回轡擒西戎
草中狐兔

盡何益
天子不在咸陽宮
朝廷雖無幽王禍
得不哀痛塵再蒙

閬山歌

閬州城東靈山白
閬州城北玉臺碧
松浮欲盡不盡雲
江動將崩已崩石
那知根無鬼神會
已覺氣與嵩華敵
中原格鬪且未歸
應結茅齋看青壁

韋諷錄事宅觀曹將軍畫馬圖引

國初已來畫鞍馬
神妙獨數江都王
將軍得名三十載
人間又見真乘黃
曾貌先帝照夜白
龍池十日飛霹靂
內府殷紅瑪瑙盤
婕妤好傳詔
才人索盤賜將軍

言三
二
拜舞歸輕紉細綺相追飛貴戚權門得筆迹始覺屏
障生光輝昔日太宗拳毛騮近時郭家獅子花今之
新圖有二馬復令識者久歎嗟此皆騎戰三敵萬縞
素漠漠開風沙其餘七疋亦殊絕迥若寒空動烟雪
霜蹄蹴踏長楸間馬官廐養森成列可憐九馬爭神
駿願視清高氣淡穩借問苦心愛者誰後有韋諷前
支遁憶昔巡幸新豐宮翠華拂天來向東騰驤磊落
三萬匹皆與此圖筋骨同自從獻寶朝河宗無復射
蛟江水中君不見金粟堆前松柏裏龍媒去盡鳥呼
風

丹青引贈曹將軍霸

將軍魏武之子孫於今爲庶爲清門英雄割據雖已
矣文彩風流今尚存學書初學衛夫人但恨無過王
右軍丹青不知老將至富貴於我如浮雲開元之中
常引見承恩數上南薰殿凌烟功臣少顏色將軍下
筆開生面良相頭上進賢冠猛將腰間大羽箭褒公
鄂公毛髮動英姿颯爽來酣戰先帝天馬五花驄畫
工如山貌不同是日牽來赤墀下迴立閭闔生長風
詔謂將軍拂絹素意匠慘澹經營中斯須九重眞龍
出一洗萬古凡馬空玉花却在御榻上榻上庭前屹

相向至尊含笑催賜金國人太僕皆惆悵弟子韓幹
早入室亦能畫馬窮殊相幹惟畫肉不畫骨忍使驂
騮氣凋喪將軍盡善蓋有神必逢佳士亦寫真即今
漂泊干戈際屢貌尋常行人途窮反遭俗眼白世
上未有如公貧但看古來盛名下終日坎壈纏其身

柎木爲風雨所拔嘆

倚江柎樹草堂前故老相傳二百年誅茅卜居摠爲
此五月鬢鬢聞寒蟬東南飄風動地至江翻石走流
雲氣幹排雷雨猶力爭根斷泉源豈天意滄波老樹
性所愛浦上童童一青蓋野客頻雷懼雪霜行人不

過聽芋籟虎倒龍顛委榛棘淚痕血點垂曾臆我有
新詩何處吟草堂自此無顏色

葑屋爲秋風所破歌

八月秋高風怒號卷我屋上三重茅茅飛渡江灑江
郊高者挂胃長林梢下者飄轉沈塘坳南村羣童欺
我老無力忍能對面爲盜賊公然抱茅入竹去唇焦
口燥呼不得歸來倚杖自嘆息俄頃風定雲黑色秋
天漠漠向昏黑布衾多年冷似鐵嬌兒惡臥踏裏裂
牀牀屋漏無乾處雨腳如麻未斷絕自經喪亂少睡
眠長夜沾溼何由徹安得廣廈千萬間大庇天下寒

言宗
士俱歡顏風雨不動安如山嗚呼何時眼前突兀見
此屋吾廬獨破受凍死亦足

古柏行

孔明廟前有老柏柯如青銅根如石霜皮濡雨四十
圍黛色參天二千尺君臣已與時際會樹木猶爲人
愛惜雲來氣接巫峽長月出寒通雪山白憶昨路繞
錦亭東先主武侯同闕宮崔嵬枝幹郊原古窈窕丹
青戶牖空落落盤踞雖得地冥冥孤高多烈風扶持
自是神明力正直元因造化功大廈如傾要梁棟萬
牛回首丘山重不露文章世已驚未辭翦伐誰能送

苦心豈免容螻蟻香徑終經宿鸞鳳志士幽人莫怨
嗟古來材大難爲用

李潮八分小篆歌

蒼頡鳥迹既茫昧字體變化如浮雲陳倉石鼓又已
訛大小二篆生八分秦有李斯漢蔡邕中間作者寂
不聞嶧山之碑野火焚棗木傳刻肥失真苦縣光
尚骨立書貴瘦磬方通神惜哉李蔡不復得吾甥李
潮下筆親尚書韓擇木騎曹蔡有鄰開元以來數八
分潮也奄有二子成三人况潮小篆逼秦相棧劍長
戟森相向八分一字直百金蛟龍盤挈肉屈強吳郡

張顛誇草書草書非古空雄壯豈知吾甥不流宕丞
相中郎文人行巴東逢李潮逾月求我歌我今衰老
才力薄潮乎潮乎奈汝何

醉爲馬墜諸公携酒相看

甫也諸侯老賓客罷酒酣歌拓金戟騎馬忽憶少年
時散蹄迸落瞿塘石白帝城門水雲外低身直下八
千尺粉堞電轉紫遊韉東得平岡出天壁江村野堂
爭入眼垂鞭鞞控凌紫陌向來皓首驚萬人自倚紅
顏能騎射安知沒臆追風足朱汗驂驪猶噴玉不虞
一蹶終損傷人生悵意多所辱職當憂戚伏衾枕况

乃遲暮加煩促朋知來問覩我顏杖藜強起依僮僕
語盡還成開口笑提携別掃清谿曲酒肉如山又一
時初筵哀絲動豪竹共指西日不相貸喧呼且覆杯
中淥何必走馬來爲問君不見嵇康養生被殺戮

杜鵑行

古時杜宇稱望帝魂作杜鵑何微細跳枝竄葉樹木
中搶伴警換雌隨雄毛衣慘黑貌憔悴衆鳥安肯相
尊崇隱形不敢棲華屋短翮惟願巢溪叢穿皮啄朽
觜欲禿苦飢始得食一蟲誰言養雛不自哺此語亦
足爲愚蒙聲音咽咽如有謂號啼略與嬰兒同口乾

垂血轉迫促似欲上訴於蒼穹蜀人間之皆起立至
今數學傳遺風迺知變化不可窮豈思昔日居淡宮
嬪嬙左右如花紅

觀于舍人壁畫山水

王季友

野人宿在山家少朝見此山謂山曉半壁仍棲嶺上
雲開簾欲放湖中鳥獨坐長松是阿誰再三招手起
來遲于公大笑向余說小弟丹青能爾爲

酬李十六岐

鍊丹文武火未成賣藥販屨俱逃名出谷迷行洛陽
道乘流醉臥滑臺城城下故人久離怨一歡適我兩

家願朝飲杖懸沽酒錢暮餐囊有松花飯于何車馬
日憧憧李膺門館爭登龍千賓揖對若流水五經發
難如扣鐘下筆新詩行滿壁立談古人坐在席問我
草堂有臥雲知我山儲無儋石自耕自刈食爲天如
鹿如麋飲野泉亦知世上公卿貴且養丘中草木年

王昭君歌

劉長卿

自矜嬌豔色不願丹青人誰知粉繪能相負却使容
華翻悞身上馬辭君嫁驕虜玉顏對人愁不語北風
鴈急浮雲秋萬里獨見黃河流纖腰不復漢宮寵雙
蛾長向胡天愁琵琶絃中苦調多蕭蕭羌笛聲相和

言宗
三層集
誰憐一曲傳樂府能使千秋傷綺羅

銅雀臺

嬌愛更何日高臺空數層含啼映雙袖不忍看西陵
漳水東流無復來百花輦路爲蒼苔青樓月夜長寂
寞碧雲日暮空裴徊君不見鄴中萬事非昔時古人
不在今人悲春風不逐君王去草色年年舊宮路宮
中歌舞已浮雲空指行人往來處

聽笛歌留別鄭協律

舊遊憐我長沙謫載酒沙頭送遷客天涯望月自沾
衣江上何人復吹笛橫笛能令孤客愁綠波淡淡如
不流商聲寥亮羽聲苦江天寂歷江楓秋靜聽關山
聞一叫三湘月色悲猿嘯又吹楊柳激繁音千里春
色傷人心隨風飄向何處落惟見曲盡平湖淡暎發
與君離別後馬上一聲堪白首

聽鶯曲

韋應物

東方欲曙花冥冥啼鶯相喚亦可聽乍去乍來皆近
遠纔聞南陌又東城忽似上林翻下苑綿綿變變如
有情欲轉不轉意自嬌羌兒弄笛曲未調前聲後聲
不相及秦女學箏指猶澁須臾風暖朝日曷流音變
作百鳥喧誰家懶婦驚殘夢何處愁人憶故園伯勞

言三
一
飛過聲局促戴勝下時桑田綠不及流鶯日日啼花
間能使萬家春意閑有時斷續聽不了飛去花枝猶
裊裊還樓碧樹鏤千門春漏方殘一聲曉

漢武帝雜歌

漢武好神仙黃金作臺與天近王母摘桃海上還感
之西過聊問訊欲來不來夜未央殿前青鳥先迴翔
綠鬢紫雲裾曳霧雙節飄飄下仙步白日分明到世
間碧空何處來時路玉盤捧桃將獻君踟躕未去雷
彩雲海水桑田幾翻覆中間此桃四五熟可憐穆滿
瑤池燕正值花開不得薦花開子熟安可期邂逅能

當漢武時顏如芳華潔如玉心念我皇多嗜慾雖畱
桃核桃有靈人間糞土種不生由來在道豈在藥徒
勞方士海上行掩扇一言相謝去如烟非煙不知處

郢州西樓吟

郎士元

連山盡處水縈迴山上城門臨水開朱欄直下一百
丈日暖游鱗自相向昔人愛險閉層城今人愛閒江
復清沙洲楓岸無來客草綠花紅山鳥鳴

瘦馬行

李端

城傍牧馬驅未過一馬徘徊起還臥眼中有淚皮有
瘡骨毛焦瘦令人傷朝朝放在兒童手誰覺舉頭看

故鄉往時漢地相馳逐如雨如風過平陸豈意今朝
驅不前蚊蚋滿身泥上腹路人識是名馬兒疇昔三
軍不得騎玉勒金鞍既已遠追奔獲獸有誰知終日
櫪上食君草遂與駑駘一時老儻借長鳴隴上風猶
期一戰安西道

樵歌呈鄭錫司空文明

昨宵夢到亡何鄉忽見一人山之陽高冠長劍立石
堂鬢眉颯爽瞳子方胡麻作飯瓠作漿素書一帙在
柏牀啖我還丹拍我背令我延年在人代乃書數字
與我持小兒歸去須讀之覺來知是虛無事山中雪

平雲覆地東嶺啼猿三四聲捲簾一望心堪碎蓬萊
有梯不可躡向海回頭仍淚睫且聞童子是蒼蠅誰
謂莊生異蝴蝶學仙去來辭故人長安道路多風塵

客堂秋夕

戎昱

隔窻螢影滅復流北風微雨虛堂秋蟲聲竟夜引鄉
淚蟋蟀何知人自愁四時不得一日樂以此方悲客
遊惡寂寂江城無所聞梧桐葉上偏蕭索

贈別張駙馬

上元年中長安陌見君朝下欲歸宅飛龍騎馬三十
疋玉勒珠鞍照初日數里衣香遙撲人長衢雨歇無

纖塵從奴斜抱勅賜錦雙雙蹙出金麒麟天子愛婿
皇后弟獨步明皆負權勢一身扈蹕承殊澤甲第朱
門聳高戟鳳凰樓上伴吹簫鸚鵡杯中醉畱客泰去
否來何足論宮車晏駕人事翻一朝負譴辭丹闕五
年待罪湘江源冠冕淒涼幾遷改眼見桑田變成海
華堂金屋別賜人細眼黃頭總何在清宮相見寸心
悲懶欲今時問昔時看君風骨殊未歇不用愁來雙
淚垂

輕薄篇

李益

豪不必馳千騎雄不在收雙鞬天生俊氣自相逐出

與鷓鴣同飛翻朝行九衢不得意下鞭走馬城西原
忽聞燕鴈一聲去回鞍挾彈平陵園歸來青樓曲未
卒美人玉色當金樽淮陰少年不相下酒酣半笑倚
市門安知我有不平色白日欲暝紅塵昏虎生容易
如反掌得意失意由一言少年但飲莫相問此中報
讎亦報恩

白紵歌

楊衡

躡珠履步瓊筵輕身起舞舞紅燭前芳姿豔態妖且妍
回眸轉袖暗催絃涼風蕭蕭漏水急月華泛豔紅蓮
濕牽裙攬帶翻成泣

玉纓翠珮雜輕羅香汗微漬朱顏酡為君起唱白紵
歌清聲裊雲思繁多凝笳哀瑟時相和金壺半領芳
夜促梁塵霏霏暗紅燭令君安坐聽終曲墜葉飄花
難再復

楊白花

柳宗元

楊白花風吹渡江水坐令宮樹無顏色搖蕩春光千
萬里茫茫曉日下長秋哀歌未斷城鴉起

漁翁

漁翁夜傍西巖宿曉汲清湘燃楚竹烟消日出不見
人欸乃一聲山水綠迴看天際下中流巖上無心雲

相逐

山石

韓愈

山石犖确行徑微黃昏到寺蝙蝠飛升堂坐階新雨
足芭蕉葉大支子肥僧言古壁佛畫好以火來照所
見稀鋪牀拂席置羹飯疎糲亦足飽我飢夜深靜臥
百蟲絕清月出嶺光入扉天闕獨去無道路出入高
下窮烟霏山紅礪碧紛爛漫時見松櫪皆十圍當流
赤足蹋礪石水聲激激風吹衣人生如此自可樂豈
必局束為人鞿嗟哉吾黨二三子安得至老不憂歸
雉帶箭

言完
原頭火燒靜兀兀野雉畏鷹出復沒將軍欲以巧伏
人盤馬彎弓惜不發地形漸窄觀者多雉驚弓滿勁
箭加衝人沒起百餘尺紅翎白鏃相傾斜將軍仰笑
軍吏賀五色雜披馬前墮

贈鄭兵曹

樽酒相逢十載前君為壯夫我少年樽酒相逢十載
後我為壯夫君白首我材與世不相當戢鱗委翅無
復望當今賢俊皆周行君何為乎亦遑遑杯行到君
莫停手破除萬事莫過酒

贈唐衢

虎有爪兮牛有角虎可搏兮牛可觸奈何君獨抱奇
才手把鋤犁餓空谷當今天子急賢良匭函朝出開
明光胡不上書自薦達坐令四海如虞唐

貞女峽

江盤峽束春湍豪雷風戰鬥魚龍逃懸流轟轟射水
府一瀉百里翻雲濤漂船擺石萬瓦裂咫尺性命輕
鴻毛

贈侯喜

吾黨侯生字叔迥呼我持竿釣溫水平明鞭馬出都
門盡日行行荆棘裏溫水微茫絕又流溪如車轍闊

容勅蝦蟆跳過雀兒浴此縱有魚何足求我爲侯生
不能已盤針壁粒投泥滓晡時堅坐到黃昏手倦目
勞方一起暫動還休未可期蝦行蛭渡似皆疑舉竿
引線忽有得一寸纔分鱗與鬣是日侯生與韓子良
久歎息相看悲我今行事盡如此此事正好爲吾規
半世遑遑就舉選一名始得紅顏衰人間事勢豈不
見徒自辛苦終何爲便當提携妻與子南入箕穎無
還時叔迨君今氣方銳我言至切君勿嗤君欲釣魚
須遠去大魚豈肯居沮洳

古意

太華峯頭玉井蓮開花十丈藕如船冷比雪霜甘比
蜜一時入口沈痾痊我欲求之不憚遠青壁無路難
賡緣安得長梯上摘實下種七澤根株連

八月十五夜贈張功曹

纖雲四卷天無河清風吹空月舒波沙平木息聲影
絕一杯相屬君當歌君歌聲酸辭且苦不能聽終淚
如雨洞庭連天九疑高蛟龍出沒猩鼯號十生九死
到官所幽居默默如藏逃下床畏蛇食畏藥海氣濕
蟄熏腥燥昨者州前大撻鼓嗣皇繼聖登夔臯赦書
一日行萬里罪從大辟皆除死遷者追迴流者還滌

言宗
三辰集
瑕蕩垢朝清班州家申名使家抑坎珂祇得移荆蠻
判司卑官不堪說未免極楚塵埃間同時輩流多上
道天路幽險難追攀君歌且休聽我歌我歌今與君
殊科一季明月今宵多人生由命非由他有酒不飲
奈明何

陸渾山火和皇甫湜用其韻

皇甫補官古賁渾時當玄冬澤乾源山狂谷狼相吐
吞風怒不休何軒軒擺磨出火以自燔有聲夜中驚
莫原天跳地踔轉乾坤赫赫上照窮崖垠截然高周
燒四垣神焦鬼爛無逃門三光弛隳不復暎虎熊麋

援建猴猿木龍鬣龜魚與黿鴉鷓鴣鷹雉鴟鷂燔炮
煨燻孰飛奔祝融告休酌卑尊錯陳齊攷闢華園芙
蓉披猖塞鮮繁千鍾萬鼓咽耳喧攢雜啾嘯沸篴埙
彤幢絳旃紫燾幡炎官熱屬朱冠禪髻其肉皮通體
髻頰曾垤腹車掀轅緹顏靺股豹兩鞅霞車虹綉日
轂轡丹旌縹蓋緋緋帑紅帷赤幕羅脈膳益池波風
肉陵屯領呀鉅壑頗黎盆豆登五山瀛四樽熙熙醕
酬笑語言雷公擘山海木翻齒牙嚼齧舌齧反電光
礮礮賴目暖頰冥收威避玄根斥棄輿馬背厥孫縮
身潛喘拳肩跟君臣相憐加愛恩命黑螭偵焚其元

言宗 三原集
天關悠悠不可援夢通上帝血面論側身欲進吐於
閻帝賜九河湔涕痕又詔巫陽反其魂徐命之前問
何冤火行於冬古所存我如禁之絕其飡女丁婦王
傳世婚一朝結讎奈後昆時行當反慎藏蹲視桃著
花可少騫月及申酉利復怨助汝五龍從九鯤溺厥
邑囚之崑崙皇甫作詩止睡昏辭誇出真遂上焚要
余和贈怪又煩雖欲悔舌不可捫

醉留東野

去年因讀李白杜甫詩長恨二子不相從吾與東野
生並世如何復躡二子蹤東野不得官白首誇龍鍾

韓子稍姦黠自慙青蒿倚長松低頭拜東野願得相
從如駟騖東野不回頭有如寸莛撞鉅鐘吾願身爲
雲東野變爲龍四方上下逐東野雖由離別無由逢

石鼓歌

張生手持石鼓文勸我試作石鼓歌少陵無人謫仙
虎才薄爭奈石鼓何周綱陵遲四海沸宣王憤起揮
天戈大開明堂受朝賀諸侯劔珮鳴相磨蒐于岐陽
騁雄俊萬里禽獸皆遮羅鐫功勒成告萬世鑿石作
鼓墮嵯峨從臣才藝咸第一揀選誤刻雷山阿雨淋
日炙野火燒鬼物守護煩搗訶公從何處得紙本毫

言
髮盡備無差訛舜嚴義密讀難曉字體不類隸與科
年淡豈免有缺劃伎劍所斷生蛟鼉鸞翺鳳翥衆仙
下珊瑚碧樹交枝柯金繩鐵索鎖紐壯古鼎躍水龍
騰梭陋儒編詩不收入二雅褊迫無委蛇孔子西行
不到秦倚撫星宿遺義娥嗟余好古生苦晚對此涕
淚雙洶沱憶昔初蒙博士徵其年始改稱元和故人
從軍在右輔爲我量度掘白科濯冠沐浴告祭酒如
此至寶存豈多氈包席裏可立致十鼓祇載數駱駝
薦諸太廟比郤鼎光價豈止百倍過聖恩若許畱太
學諸生講解得切磋觀經洪都尚填咽坐見舉國來

奔波剗苔剔蘚露節角安置妥帖平不頗大廈深簷
與蓋覆經歷久遠期無他中朝大夫老於事詎肯感
激徒媿媿牧童敲火牛礪角誰復着手爲摩挲日銷
月鑠就埋沒六年西顧空吟哦義之俗書趁姿媚數
紙尚可傳白鵝繼周八代爭戰罷無人收拾理則邠
方今太平日無事柄用儒術崇丘軻安能以此上論
列願借辯口如懸河石鼓之歌止於此嗚呼吾意其
蹉跎

酬司馬盧四兄雲夫院長望秋作

長安雨洗新秋出極目寒鏡開塵函終南曉望蹋龍

尾倚天夏覺青巉巉自知短淺無所補從事久此穿
朝衫歸來得便即遊覽暫似壯馬脫重銜曲江荷花
蓋十里江湖生日忠莫緘樂遊下矚無遠近綠槐萍
合不可芟白首寓居誰借問平地寸步局雲巖雲夫
吾兄有狂氣嗜好與俗殊酸鹹日來省我不肯去論
詩說賦相誦誦望秋一章已驚絕猶言低抑避諂讒
若使乘酣騁雄怪造化何以當鐫劓嗟我小生值強
伴恟膽變勇神明鑒馳坑跨谷終未悔爲利而止真
貪饒高揖羣公謝名譽遠追甫白感至誠樓頭完月
不共宿其奈就鉞行攔攔

征婦怨

張籍

九月匈奴殺邊將漢軍全沒遼水上萬里無人收白
骨家家城下招魂葬婦人依倚子與夫同居貧賤心
亦舒夫死戰場子在腹妾身雖存如畫燭

寄衣曲

織素縫衣獨苦辛遠因回使寄征人官家亦自寄衣
去貴從妾手著君身高堂姑老無侍子不得自到邊
城裏殷勤爲看初着時征夫身上空不空

別離曲

行人結束出門去幾時夏踏門前路憶昔君初納采

言宗 二 辰集
時不言身屬遼陽戍早知今日當別離成君家計良
為誰男兒生身自有役那得誤我少年時不如逐君
征戰死誰能獨老空閨裏

古釵歎

古釵墮井無顏色百尺泥中今復得鳳凰宛轉有古
儀欲為首飾不稱時女伴傳看不知主羅袖拂拭生
光輝蘭膏已盡股半折雕文刻樣無年月雖離井底
入匣中不用還與墜時同

各東西

遊人別一東復一西出門相背兩不返惟信車輪與
馬蹄道路悠悠不知處山高海闊誰辛苦遠遊不定
難寄書日日空尋別時語浮雲上天雨墮地暫時會
合終離異我今與子非一身安得死生不相棄

節婦吟

籍在宅鎮幕府蘄帥李師古又以書幣辟之
籍却不納寄此詩

君知妾有夫贈妾雙明珠感君纏綿意繫在紅羅襦
妾家高樓連苑起良人執戟明光裏知君用心如日
月事夫誓擬同生死還君明珠雙淚垂何不相逢未
嫁時

吳宮怨

吳宮四面秋江水，江清露白芙蓉死。吳王醉後欲夏
衣，座上美人嬌不起。宮中千門復萬戶，君恩反覆誰
能數。君心與妾既不同，徒向君前作歌舞。茱萸滿宮
紅，實垂秋風嫋嫋生。繁枝姑蘇臺上夕，燕罷他人侍
寢還。獨歸白日在天光，在地君今那得長相棄。

北邙行

洛陽北門北邙道，喪車轆轤入秋草。車前齊唱薤露
歌，高墳新起白峨峨。朝朝暮暮人送葬，洛陽城中人
更多。千金立碑高百尺，終作誰家柱下石。山頭松柏

半無主，地下白骨多。於土寒食家家送紙錢，烏鳶作
窠銜上樹。人居朝市未解愁，請君暫向北邙遊。

神樹詞

王建

我家家西老棠樹，須晴即晴雨。四時八節上盃
盤，願神莫離神處所。男不著丁，女在舍官事。上下無
言語，老身長健樹婆娑。萬歲千秋作神主。

短歌行

人初生，日初出。上山遲，下山疾。百年三萬六千朝，夜
裏分將強半日。有歌有舞須早為，昨日健於今日時。
人家見生男女好，不知男女催人老。短歌行，無樂聲。

白紵歌

館娃宮中春日暮荔枝木瓜花滿樹城頭烏樓休擊
 鼓青蛾彈瑟白苧舞夜天燿燿不見星宮中火照西
 江明美人醉起無次第墮釵遺珮滿中庭此時但願
 可君意回晝為宵亦不寐年年奉君君莫棄
 天河漫漫北斗燦宮中烏啼知夜半新縫白紵舞衣
 成來遲邀得吳王迎低鬟轉面掩雙袖玉釵浮動春
 風生酒多夜長夜未曉月明燈光兩相照後庭歌聲
 夏窈窕

行見月

月初生居人見月一月行月行一年十二月強半馬
 上看圓缺百年歡樂能幾何在家見少行見多不緣
 衣食相驅遣此身誰願長奔波篋中有帛倉有粟豈
 向天涯走碌碌家人見月望我歸正是道上思家時

寒食行

寒食家家出古城老人看屋少年行邱隴年年無舊
 道車徒散行入衰草牧童驅牛下塚頭畏有人家來
 灑掃遠人無墳水頭祭還引婦女望鄉拜三日無火
 燒紙錢紙錢那得到黃泉但看隴上無新土此中白
 骨應無主

田家畱宿
人客少能畱我屋客有新漿馬有粟遠行僮僕應苦
飢新婦廚中炊欲熟不嫌田家破門戶蠶房新泥無
風土行人但飯莫畏貧闔府上來何辛苦叮嚀回語
屋中妻有客勿令兒夜啼雙井直西有縣路我教丁
男送君去

田家行

男顏欣欣女顏悅人家不怨言語別五月雖熱麥風
清簷頭索索縲車鳴野蠶作繭人不取葉間撲撲秋
蟻生麥收上場絹在軸的是輸得官家足不望入口

復上身且免向城賣黃犢田家衣食無厚薄不見縣
門身即樂

當臆織

歎息復歎息園中有棗行人食貧家女大富家織翁
母隔牆不得力木寒手澀絲脆斷續來續去心腸爛
草蟲促促機下啼兩日催成一匹半輸官上頭有零
落姑未得衣身不著當窻却羨青樓娼十指不動衣
盈箱

勸我酒

白居易

勸我酒我不辭請君歌歌莫遲歌聲長辭亦切此辭

言三
三
聽者堪愁絕洛陽女兒面似花河南太守頭如雪

寒食詩

烏啼鵲噪昏喬木清明寒食誰家哭風吹曠野紙錢
飛古墓累累春草綠棠梨花映白楊樹盡是死生離
別處冥漠重泉哭不聞蕭蕭暮雨人歸去

和雨中花

眞宰倒持生殺柄間物命長人短命松枝上鶴著下
龜千年不死仍無病人生不得似龜鶴少去老來同
旦暝何異花開旦暝間未落仍遭風雨橫草得經年
菜連月惟花不與多時節一年三百六十日花能供

得幾攀折桃李無言難自訴黃鸝解語憑君說鶯雖
爲說不分明葉底枝頭漫多舌

太行路

太行之路能摧車若比君心是坦途巫峽之水能覆
舟若比君心是安流君心好惡苦不常好生毛羽惡
生瘡與君結髮未五載豈期牛女爲參商古稱色衰
相棄背當時美人猶怨悔何況如今鸞鏡中妾顏未
改君心改爲君薰衣裳君聞蘭麝不馨香爲君盛容
飾君看珠翠無顏色行路難難重陳人生莫作婦人
身百年苦樂由他人行路難難於山險於水不獨人

言宗 二 周集
間夫與妻近代君臣亦如此君不見左納言右納史
朝承恩暮賜死行路難不在木不在山只在人情反
覆間

青石

青石出自藍田山兼車運載來長安工人磨琢欲何
用石不能言我代言不願作人家墓前神道碣墳土
未乾名已滅不願作官家道傍德政碑不鐫實錄鐫
虛辭願爲段氏顏氏碑雕鏤太尉與太師刻此兩片
堅貞節狀彼二人忠烈姿義心如石屹不轉死節如
石確不移如觀奮擊朱泚日似見叱呵希烈時各於

其上題名謚一置高山一沉水陵谷雖遷碑獨存骨
化爲塵名不死長使不忠不烈臣觀碑改節慕爲人
慕爲人勸事君

辛夷花問韓員外

元稹

問君辛夷花君言已斑駁不畏辛夷不爛開顧我筋
骸官束縛縛遣推囚名御史狼籍囚徒滿田地明日
不推緣國忌依前不得花前醉韓員外家好辛夷開
時乞取三兩枝折枝爲贈君莫惜縱君不折風亦吹

連昌宮辭

連昌宮中滿宮竹歲久無人森似束又有牆頭千葉

桃風動落花紅簌簌宮邊老人爲余泣少季選進因
曾入上皇正在望仙樓太真同凭闌干立樓上樓前
盡珠翠炫轉熒煌照天地歸來如夢復如癡何暇備
言宮裏事初過寒食一百六店舍無煙宮樹綠夜半
月高絃索鳴賀老琵琶擅塲屋力士傳呼覓念奴念
奴潛伴諸郎宿須臾覓得又連催特勅街中許燃燭
春嬌滿眼睡紅消掠削雲鬢旋粧束飛上九天歌一
聲二十五郎吹管逐逡巡大遍梁州徹色色龜茲轟
陸續李謩擊笛傍宮牆偷得新歡數般曲平明六駕
發行宮萬人鼓舞途路中百官隊仗避岐薛楊氏諸

兒車鬪風明年十月東都破御路猶存祿山過驅令
供頓不敢藏萬姓無聲淚潛墮兩宮定後六七年却
尋家舍行宮前莊園燒盡有枯井行宮門闔樹宛然
爾後相傳六皇帝不到離宮門久閉往來年少說長
安玄武樓成花萼廢去年勅賜因砍竹偶值門開暫
相逐荆榛櫛比廢池塘狐兔驕癡緣樹木舞榭欹傾
臺尚在文憲窈窕紗猶綠塵埋粉壁舊花鈿烏啄風
箏碎珠玉上皇偏愛臨砌花依然御榻臨堦斜蛇出
燕巢盤鬪棋菌生香案正當衙寢殿相連端正樓太
眞梳洗樓上頭晨光未出簾影動至今反挂珊瑚鈎

指似傷人因慟哭却立宮門淚相續自從此後還閉
門夜夜狐狸上門屋我聞此語心骨悲太平誰致亂
者誰翁言野父何分別耳聞目見為君說姚崇宋璟
作相公勸諫上皇言語切變理陰陽禾黍豐調和中
外無兵戎長官清平太守好揀選皆言由至公開元
欲末姚宋死朝廷漸漸由妃子祿山宮中養作兒號
國門前鬧如市弄權宰相不記名依稀記得楊與李
廟謨顛倒四海搖五十年來作瘡痍今皇神聖丞相
明詔書纔下吳蜀平官軍又取淮南賊此賊亦除天
下寧年年耕種宮前道今年不遣子孫耕老翁此意

漢望幸努力廟謨休用兵

鴈門太守行

李賀

黑雲壓城城欲摧甲光向日金鱗開角聲滿天秋色
裏塞上胭脂凝夜紫半捲紅旗臨易水霜重鼓寒聲
不起報君黃金臺上意提携玉龍為君死

湘妃

筠竹千年老不死長伴秦娥蓋湘水蠻娘吟弄滿寒
空九山靜綠淚花紅離鸞別鳳煙梧中巫雲蜀雨遙
相通幽愁秋氣上青楓涼夜波間吟古龍

天上謠

言宗
二
天河夜轉漂回星銀浦流雲學水聲玉宮桂樹花未
落仙妾採香垂珮纓秦妃卷簾北牕曉窻前植桐青
鳳小王子吹笙鵝管長呼龍畊煙種瑤草粉霞紅綬
藕絲裙青洲步拾蘭茗春東指羲和能走馬海塵新
生石山下

夢天

老兔寒蟾泣天色雲樓半開壁斜白玉輪軋露溼圓
光鸞佩相逢桂香陌黃塵清水三山下更變千年如
走馬遙望齊州九點煙一泓海水杯中瀉

秋來

桐風驚心壯士苦衰燈絡緯啼寒素誰看青簡一編
書不遣花蟲粉空蠹思牽今夜腸應直雨冷香魂弔
書客秋墳鬼唱鮑家詩恨血千年土中碧

春坊正字劔子歌

先輩匣中三尺水曾是吳潭斬龍子隙月斜明刮露
寒練帶平鋪吹不起鮫胎皮老蒺藜刺鸞鵲淬花白
鷗尾直是荆軻一片心莫教照見春坊字接絲團金
懸麗覲神光欲截藍田玉提出西方白帝驚嗷嗷鬼
母秋郊哭

美人梳頭歌

言宗

二
美人梳頭歌

西施曉夢銷帳寒香鬢墮髻半沈檀轆轤呀啞轉鳴
玉驚起芙蓉睡新足雙鸞開鏡秋水光解鬢臨鏡立
象牀一編香絲雲散地玉釵落處無聲膩纖手却盤
老鴉色翠滑寶釵簪不得春風爛漫惱嬌慵十八鬢
多無氣力糝成髮鬢敲不斜雲裾數步踏鴈沙背人
不語向何處下堦自折櫻桃花

高軒過

華裾織翠青如蔥金環壓轡搖玲瓏馬蹄隱耳聲隆隆
隆入門下馬氣如虹云是東京才子文章鉅公二十
八宿羅心曾九精照耀貫當中殿前作賦聲摩空筆

補造化天無功厖眉書客感秋蓬誰知死草生華風
我今垂翅附冥鴻他日不羞蛇作龍

將進酒

琉璃鍾琥珀濃小槽酒滴眞珠紅烹龍炮鳳玉脂泣
羅屏綉幕圍香風吹龍笛擊鼉鼓皓齒歌細腰舞况
是青春日將暮桃花亂落如紅雨勸君終日酌酌醉
酒不到劉伶墳上土

有所思

盧仝

當時我醉美人家美人顏色嬌如花今日美人棄我
去青樓朱箔天之涯娟娟嫦娥月三五二八盈又缺

翠眉蟬鬢生別離一望不見心斷絕心斷絕幾千里
夢中醉臥巫山雲覺來淚滴湘江水湘江兩岸花木
淡美人不見愁人心含愁更奏綠綺琴調高絃絕無
知音美人兮美人不知爲莫雨兮爲朝雲相思一夜
梅花發忽到窓前疑是君

走筆謝孟諫議寄新茶

日高丈五睡正濃軍將打門驚周公口云諫議送書
信白絹斜封三道印開緘宛見諫議面手閱月團三
百片聞道新年入山裏勢靈驚動春風起天子須嘗
陽羨茶百草不敢先開花仁風暗結珠琲瓃先春抽

出黃金芽摘鮮焙芳旋封裹至精至好且不奢至尊
之餘合王公何事復到山人家柴門反關無俗客紗
帽籠頭自煎喫碧雲引風吹不斷白花浮光凝碗面
一碗喉吻潤兩碗破孤悶三碗搜枯腸唯有文字五千
卷四碗發輕汗平生不平事盡向毛孔散五碗肌
骨清六碗通仙靈七碗喫不得也惟覺兩腋習習清
風生蓬萊山在何處玉川子乘此清風欲歸去山上
羣仙司下土地位清高隔風雨安得知百萬億蒼生
命墮在巔崖受辛苦復爲諫議問蒼生到頭還得蘇
息否

韓碑

李商隱

肅宗寶應初李忠臣據蔡州歷李希烈陳仙
 奇吳少誠吳少陽凡五十年元和中少陽死
 其子元濟拒命詔發兵討之以裴度為相充
 淮西宣慰招討處置使司勳員外李正封都
 官員外馮宿禮部員外郎李宗閔皆兼侍御
 從度出征度奏以右庶子韓愈充行軍司馬
 十二年十月唐鄧帥李愬襲執元濟送長安
 獻廟社斬之詔韓愈撰平淮西碑辭多敘裴
 度事李愬不平之愬妻唐安公主女也入禁

中訴碑辭不實詔令磨去愈文命段文昌重
 撰文勒石

元和天子神武姿彼何人哉軒與羲誓將上雪列聖
 恥坐法宮中朝四夷淮西有賊五十載封狼生羆羆
 生羆不據山河據平地長戈利矛日可麾帝得聖相
 相曰度賊所不死神扶持腰懸相印作都統陰風慘
 淡天王旗愬武古通作牙爪儀曹外郎載筆隨行軍
 司馬智且勇十四萬眾猶虎貔入蔡縛賊獻太廟功
 無與讓恩不訾帝曰汝度功第一汝從事愈宜為詞
 愈拜稽首蹈且舞金石刻畫臣能為古者世稱大手

筆此事不繫於職司當仁自古有不讓言訖屢領天子頤公退齋戒坐小閣濡染大筆何淋漓點竈堯典舜典字塗改清廟生民詩文成破體書在紙清晨再拜鋪丹墀表曰臣愈昧死上詠神聖功書之碑碑高三文字如手負以靈鼈蟠以螭句奇語重喻者少讒之天子言其私長繩百尺拽碑倒麤沙大石相磨治公之斯文若元氣先時已入人肝脾湯盤孔鼎有述作今無其器存其辭嗚呼聖皇及聖相相與烜赫流淳熙公之斯文不示後曷與三五相攀追願書萬本誦萬過口角流沫右手胠傳之七十有二代以爲封

禪玉檢明堂基

燕臺詩

風光冉冉東西陌幾日嬌魂尋不得蜜房羽客類芳心冶葉倡條偏相識暖藹輝遲桃樹西高鬟立共桃鬢齊雄龍雌鳳杳何許絮亂絲繁天亦迷醉起微陽若初曙暎簾夢斷聞殘語愁將鐵網冒珊瑚海闊天翻迷處所衣帶無情有寬窄春煙自碧秋霜白研丹擘石天不知願得天牢鎖冤魂夾羅委篋單綃起香肌冷襯瑋瑋佩今日東風自不勝化作幽光入西海

○右春

前閣雨簾愁不卷後堂芳樹陰陰見石城景物類黃
泉夜半行廊空柝彈綾扇喚風闌闌天輕帷翠幕波
淵旋蜀重寂寞有伴未幾夜瘴花開木棉桂宮畱影
光難取媽薰蘭破輕輕語直教銀漢隨懷中未遣星
妃鎮來去濁水清波何異源濟河水清黃河渾安得
薄霧起細裙手接雲軒呼太君○右夏

月浪衝天天宇溼涼蟾落盡疎星入雲屏不動掩孤
頰西樓一夜風箏急欲織相思花寄遠終日相思却
相怨但聞北斗聲迴環不見長河水清淺金魚鏤斷
紅桂春古時塵滿鴛鴦茵堪悲小苑作長道玉樹未

憐亾國人瑤琴惜惜藏楚弄越羅冷薄金泥重簾鈎
鸚鵡夜驚霜喚起南雲繞雲夢雙璫丁丁聯尺素內
記湘川相識處歌脣一世銜雨看可惜聲香手中故

○右秋

天東日出天西下雄鳳孤飛女龍寡清溪白石不相
望堂中遠甚蒼梧野凍壁霜華交隱起芳根中斷香
心死浪乘畫舸憶蟾蜍月娥未必嬋娟子楚管變絃
愁一槩空城舞罷腰肢在當時歡向掌中銷桃葉桃
根雙姊妹破鬢矮墮凌朝寒白玉燕釵黃金蟬風車
雨馬不持去蠟燭啼紅怨天曙○右冬

言
堂堂曲

溫庭筠

錢塘岸上春如織
森森寒泉帶晴色
淮南遊客馬連嘶
碧草迷人歸不得
風飄客意如吹煙
纖指殷勤傷鴈絃
一曲堂堂紅燭筵
金鯨瀉酒如飛泉

常林歡

宣城酒熟花覆橋
沙晴綠鴨鳴咬咬
穠桑繞舍麥如尾
幽軋鳴機雙燕巢
馬聲特特荆門道
蠻水揚光色如草
錦薦金壚夢正長
東家咿喔雞鳴早

張靜婉採蓮歌

蘭膏墜髮紅玉春
燕釵梳頭拋盤雲
城邊楊柳向嬌

晚門前潏水波粼粼
麒麟公子朝天客
珂馬璫璫度春陌
掌中無力舞衣輕
剪斷鮫綃破春碧
抱月飄煙一尺腰
麝臍龍髓憐嬌嬈
秋羅拂水碎光連
露重花多香不鎖
鷓鴣交交塘水滿
綠芡如粟蓮莖短
一夜西風送雨來
粉痕零落愁紅淺
船頭折藕絲暗牽
藕根蓮子相留連
郎心似月月未缺
十五十六清光圓

雨夜

陸龜蒙

屋小茅乾雨聲大
自疑身著蓑衣臥
兼似孤舟小泊時
風吹折葦來相佐
我有愁襟無可那
纔成好夢剛驚破
背壁殘燈不及螢
重挑却向燈前坐

江南行

羅隱

江煙濕雨鮫綃軟漠漠遠山眉黛淺木國多愁又有
情夜槽壓酒銀船滿細柳搖烟凝曉空吳王臺榭春
夢中鴛鴦鴻鵠喚不起平浦綠水眠東風西陵路遠
月悄悄油壁車輕蘇小小

春曉謠

張泌

雨微微烟霏霏小庭半折紅薔薇細箏斜倚畫屏曲
零落幾行金鴈飛蕭關夢斷無尋處萬疊春波起南
浦凌亂楊花撲繡簾曉窓時有流鶯語

宿北樂館

陳閏

欲眠不眠夜淡淺越鳥一聲空山遠庭木蕭蕭落葉
時谿聲雨聲聽不辨谿流潺潺雨習習燈影山光滿
牕入棟裏不知渾是雲曉來但覺衣裳濕

短歌

釋皎然

古人若不死吾亦何所悲蕭蕭烟雨九原上白楊青
松葬者誰貴賤同一塵死生同一指人生萬代共如
此何異浮雲與流水短歌行短歌無窮日已傾鄴宮
梁苑徒有名春草秋風傷我情何為不學金仙侶一
悟空王無死生

古意曲

劉珪

梧桐墜下月團團洞房如水秋夜闌吳刀剪破機頭
錦茱萸花墜相思枕綠牕寂寞背燈時暗數寒更不
成寢

宋

明妃曲和王介甫

歐陽脩

胡人以鞍馬爲家射獵爲俗泉甘草美無當處鳥驚
獸駭爭馳逐誰將漢女嫁胡兒風沙無情面如玉身
行不遇中國人馬上自作忠歸曲推手爲琵琶却手琵琶
胡人共聽亦咨嗟玉顏流落死天涯琵琶却傳來漢
家漢宮自按新聲譜遺恨已深聲更苦纖纖女手生
洞房學得琵琶不下堂不識黃雲出塞路豈知此聲

能斷腸

續麗人行

蘇軾

淡宮無人春日長沈香亭北百花香美人睡起薄梳
洗燕無鶯啼空斷腸畫工欲畫無窮意背立東風初
破睡若教回首却嫣然陽城下蔡俱風靡杜陵飢客
眼長寒蹇驢破帽隨金鞍隔花臨水時一見只許腰
支背後看心醉歸來茅屋底方信人間有西子君不
見孟光舉案與眉齊何曾背面傷春啼

書王定國所藏煙江疊嶂圖王晉卿所畫

江上愁心千疊山浮空積翠如雲烟山耶雲耶遠莫

言
知烟空雲散山依然但見兩崖蒼蒼暗絕谷中有百
道飛來泉紫林絡石隱復見下赴谷口爲奔川川平
山開林麓斷小橋野店依山前行人稍度喬木外漁
舟一葉江吞天使君何從得此本點綴毫末分清妍
不知人間何處有此境徑欲往置二頃田君不見武
昌樊口幽絕處東坡先生留五年春風搖江天漠漠
暮雲卷雨山娟娟丹楓翻鴉伴木宿長松落雪驚醉
眠桃花流水在人世武陵豈必皆神仙江山清空我
塵土雖有去路尋無緣還君此畫三歎息山中故人
應有招我歸來篇

寓居定惠院之東雜花滿山有海棠一株土人
不知貴也

江城地瘴蕃草木只有名花苦幽獨嫣然一笑竹籬
間桃李漫山總麤俗也知造物有深意故遣佳人在
空谷自然富貴出天姿不待金盤薦華屋朱唇得酒
暈生臉翠袖卷紗紅暎肉林深霧暗曉光遲日暖風
輕春睡足雨中有淚亦悽慘月下無人更清淑先生
食飽無一事散步逍遙自捫腹不問人家與僧舍拄
杖敲門看脩竹忽逢絕豔照衰朽歎息無言揩病目
陋邦何處得此花無乃好事移西蜀寸根千里不易

到銜子飛來定鴻鵠天涯流落俱可念爲飲一樽歌
此曲明朝酒醒還獨來雪落紛紛那忍觸

石鼓歌

石鼓久在岐陽至唐人始稱韋應物以爲周
文王之鼓至宣王刻詩韓退之直以爲宣王
之鼓今在鳳翔孔子廟中鼓有十散棄於野
鄭餘慶始置於廟而亾一皇祐四年向傳師
求得民間十鼓乃足其一無文其九有文可
見者四百十七字可識者二百七十二字

冬十二月歲辛丑我初從政見魯叟舊聞石鼓今見

之文字鬱律蛟蛇走細觀初以指畫肚欲讀嗟如箝
在口韓公好古生已遲我今况又百季後強尋偏旁
推點畫時得一二遺八九我車旣攻馬亦同其魚維
鱖貫之柳古器縱橫猶識鼎衆星錯落僅名斗糶糊
半已似癡牴詰曲猶能辨跟肘娟娟皎月隱雲霧濯
濯嘉禾秀萁莠漂流百戰偶然存獨立千載誰與友
上追軒頡相唯諾下捐冰斯同穀穀憶昔周宣歌鴻
鴈當時籀史變蝌蚪厭亂人方忠聖賢中興天爲生
耆耆者東征徐虜闕虓虎北伏犬戎隨指喉象骨雜沓
貢狼鹿方邵聯翩賜圭卣遂因鼓鼙忠將帥豈爲考

擊煩矇矓何人作頌比崧高萬古斯文齊岫嶽勳勞
至大不矜伐文武未遠猶忠厚欲尋年歲無甲乙豈
有名字記誰某自從周衰夏七國竟使秦人有九有
掃除詩書誦法律投棄俎豆陳鞭杻當年何人佐祖
龍上蔡公子牽黃狗登山刻石頌功烈後者無繼前
無偶皆云皇帝巡四國烹滅強暴救黔首六經既已
委灰塵此鼓亦當遭擊剖傳聞九鼎淪泗上欲使萬
夫沈水取暴君縱欲窮人力神物義不汗秦垢是時
石鼓何處避無乃天公令鬼守興亡百變物自閑富
貴一朝名不朽細思物理多歎息人生安得如汝壽

二蟲

君不見木馬兒步步逆流水大江東流日千里此蟲
趨趨長在此君不見鸚鵡濫堆沒起隨衝風隨風一去
宿何許逆風還落蓬蒿中二蟲愚智俱莫測江邊一
笑無人識

戲呈孔毅父

黃庭堅

管城子無食肉相孔方兄有絕交書文章功用不經
世何異絲窠綴露珠校書著作頻詔除猶能上車問
何如忽憶僧床同野飯夢隨秋鴈到東湖

壽母生朝

朱文公

秋風蕭爽天氣涼此日何日升斯堂堂中老人壽而
康紅顏綠鬢雙瞳方家貧兒癡但深藏五年不出門
庭荒竈陘十日九不煬豈辨甘脆陳壺觴低頭包羞
汗如漿老人此心久已忘一笑謂汝庸何傷人間榮
耀豈可常惟有道義忠無疆勉勵汝節彌堅剛熹前
再拜謝阿娘自古作善天降祥但願年年似今日老
萊母子俱徜徉

過烏沙望大唐石峯

楊萬里

城中長恨不見山出城見山如等閑曹溪過了過岑
嶺不惟山粗石仍獷山如可師癩滿頂石如陳三癭

聯頸一路令人眼不開開眼令人悶不醒烏沙未到
一溪橫水清見底心已清大唐六峯爭出迎木精筆
架琉璃屏兩峯玉笋纔出土三峯冰盤釘角黍一峯
新琢金博山霧作沈煙雲作縷忽然前岡平截斷萬
丈青尖餘寸許山神解憐客子愁平地跳出蒼琳璆
更借天公修月斧神工一夜忙瑯鏐近看定何者遠
看真可畫山神自賀應自詫古來此地無車馬

南溪

元好問

南溪酒熟清而醇北溪梅花發興新前季去年花下
醉今年冷落花應噴梅花娟娟如靜女寂寞敢與荒

山鄰詩人愛花山亦好幽林穹谷生陽春風鬢峨峨
一尺雲芳香幽臥如相親山堂夜半北風惡一點相
思愁殺人

夜坐吟

張憲

蜻蜓頭落燈花黑瓦面寒蟾弄霜色玉壺水動滿聲
乾夜冷蓮籌三十刻蓬頭兒子凍磨墨欲拾羈懷尋
不得起看庭樹響風箏斗杓墮地天盤側

鸞孫謠

李思衍

白頭老翁髮垂領牽孫與客摩孫頂翁年八十死無
恤憐女孩童困飢饉去年雖旱猶禾熟今年飛霜先

殺菽去年飢饉猶一粥今年飢饉無餘粟客謝老翁
將孫去淚下如絲不能語零丁老病唯一身獨臥茅
檐夜溪雨夢回猶是悞呼孫縣吏催租正打門

休採花

楊基

休採花採花蝴蝶飛休撲蝶撲蝶傷花枝花枝娟娟
戲雙蝶臨風對花不忍折平生愛蝶仍愛花只恐傷
花復驚蝶君似蝶妾似花花開能幾日蝴蝶過西家

古意

山礬花落春風起吹妾芳情渡江水夢中蝴蝶相交
飛門外鵲聲郎馬歸

征婦詞

胡奎

妾身願如弓上弦萬里隨郎長在邊郎身莫如弦上
箭一去無還不相見堂上阿婆今白頭妾守空閨郎
遠遊請郎看取門前樹上有慈烏飛不去

裁衣行

劉伯序

裁衣須裁短短衣短衣上馬輕如飛縫袖須縫窄窄
袖窄袖彎弓不礙肘短衣窄袖時樣新殷勤寄與從
軍人願郎着衣便弓馬破敵長驅古城下明年佩印
披紫緋裁衣不比從軍時

詩宗辰集卷十



